



倪文德
公籬木

德清俞樾題



光緒庚子錢
唐子氏重雕

鄭文壽

倪文僖公集

提要

臣等謹案倪文僖集三十二卷明倪謙撰謙有朝鮮紀事已著錄據李東陽序謙所著有玉堂稿一百卷上谷稿入卷歸田稿四十二卷南宮稿二十卷又有奉使朝鮮之作爲遼海編並行于世今皆未見此本乃其子岳取謙所自校訂者別爲三十二卷刻梓以傳蓋謙生平制作極富此則汰存六之一者也三楊臺閣之體至弘正之間而極弊冗闐庸靡幾于萬喙一音謙當有明盛時去前輩典型未遠故其文步驟謹嚴

倪文僖集提要

一

朴而不俚簡而不陋體近三楊而無其末流之失雖不及李東陽之籠罩一時然有質有文亦彬彬然自成一家矣固未可以聲價之重輕定文章之優劣也乾隆五十一年八月恭校上

于世今書總纂官 臣紀昀 臣陸錫熊 臣孫士毅

蘇二十卷總校官 臣陸費墀

蘇一百卷上谷稿入卷歸田稿四十二卷南宮

博雅錄事出善後錄李東陽氣類四卷自正堂

四等舊案附文僖集三十二卷即附編附錄

附錄

倪文僖公集

文一也而所施異地故體裁亦隨之館閣之文鋪典章
裨道化其體蓋典則正大明而不晦達而不滯而惟適
於用山林之文尙志節遠聲利其體則清聳奇峻滌陳
蕪冗以成一家之論二者固皆天下所不可無而要其
極有不能合者故君子觀人之文不必識其面聞其論
議親見其所施爲而其器識材用之稱乎此或宜乎彼
斷斷乎其可別已是雖殊世異代操吾說以求之無所
不得矧耳目所接風聲義概之在天下方盛而不可泯
者哉東陽辱青谿倪先生舜咨爲同年交最深獲見其
先文僖公樂與天下士誦公所爲文舊矣公居南京有

倪文僖集序

一

火厄手掇舊稿數帙以出青谿復力檢得之雖頗散佚
尙多不能盡錄公旣沒青谿乃取公所自編訂者爲三
十二卷刻梓以傳東陽始得而備見之作而歎曰我國
朝崛起中原用夏變夷奄有六合光嶽之氣全得于天
自高皇時宋學士景濂諸公首任制作而猶未得位文
皇更化楊文貞諸公亟起而振之天下之休養涵育以
暨英廟之初富庶之效可謂極盛矣而劉文安諸公出
焉逮于憲廟其用猶未已也時則有若文僖公相與先
後揚厲其名大著其在景泰間應制賦詩中官常立俟
以進自餘碑板金石之文雲涌川溢沛不可禦嘗奉使
朝鮮卽席命筆略不構思國人皆縮頸吐舌駭歎不能

已及歸梓其作爲編至于今存焉蓋公之雄才絕識學
充其身而形之乎言典正明達卓然館閣之體非巖棲
穴處者所能到也故雖中厯艱險晚登通要不得盡見
于用而其於典章道化關一代之盛以爲後觀者如此
豈非不朽之事哉昔孫盛作晉春秋傳之外國後有購
者於遼東得之宋孫甫作唐書甚自珍惜嘗火後歸問
其書他不復顧斯文出處與此正同然二氏之書卒不
見于世者謂其子孫不足以繼之也公修英廟實錄未
及終青谿繼入翰林以成事告校諸前代其班馬氏之
風乎且青谿爲學士爲禮部侍郎尙書趾美承闕當代
所僅見行業之著其於公益有光焉後世稱江東倪氏

倪文僖集序

二

之盛者殆不獨文之爲重而文其徵也是固不可以不
傳已公諱謙字克讓學者稱爲靜存先生己未進士及
第官至南京禮部尙書致仕卒贈太子少保文僖其賜
諡也文有玉堂稿百卷上谷稿八卷歸田稿四十二卷
南宮稿二十卷通爲卷百七十則哀爲家集青谿與其
弟工部主事阜輩共藏之而遼海編別行於世云弘治
癸丑秋八月一日賜進士出身中順大夫太常寺少卿
兼翰林院侍講學士經筵講讀官兼修國史晚生長沙

李東陽序



倪文信集象贊

稟奇偉之資負該博之學文詞浩翰如長江巨河容止端嚴如泰山
喬嶽名先甲科職居館閣秉直筆於編摩竭忠誠於啟沃雖翰長
春卿之選曾未盡於設施而繼武聯芳之美已有徵於似續致仕少
保吏部尚書無謹身殿大學士滄安商輅贊

倪先生克讓正統己未及第官翰林肆以文鳴內外陟學士侍郎尚
書甫六十餘致仕人多謂生稟異氣者也震器岳持直像示予恭
在姻親暨厠榜末因以贊之

器宇恢廓容貌清丰生質之異間氣所鍾製作奇而古才識富
而充接人和而不流執禮節而適中窮達一致寵辱弗怙後學小
子景仰厥風資德大夫正治上卿太子少保戶部尚書前翰林院
侍講燕左春坊左中允經筵講官闕西楊鼎贊

倪文僖公集卷之一

景泰四年正月二十六日應制

賦

景泰四年正月二十六日應制

敘曰孟春者四時開闢之端生育之首天地交泰萬物亨通古先哲后政令所行罔不因時之宜故於是月下寬大之書行慶賜之典所以體好生之盛德也肆惟皇上臨御之四年爲景泰癸酉時維初陽盛德在木皇上既於元旦受萬方朝賀華夷畢集拜舞稱慶固已合人心之驩戴矣復於辛日祀上帝南郊風塵屏息瑞日晴麗又有以致天心之昭格焉迺者滌垢掩瑕行慶施惠

倪文僖集卷一

一

裁成輔相參贊兩間四海臣民咸遂生育其法天體德之心與古先哲后實同一揆是以和氣薰蒸充塞宇宙條風應候惠日暄妍庶草蕃廡物無疵癘鳥獸魚鼈罔不咸若則自天降康豐年穰穰從可卜矣臣猥以菲材職司文翰伏覩盛美不勝忻并謹拜手稽首而獻賦賦

日

繫日臨於營室兮開六合之朗晴呈山川之秀麗兮發草木之光榮散瑞藹之氤氳兮布和氣之淡蕩表盛世之休徵兮信豐年之氣象惟斯時爲何時兮屬句芒之御辰幹一元之氣機兮回八荒之早春睠龍精之戒旦兮正青陽之司候攝提指乎孟陬兮玉律中乎太簇既

配仁於四德兮復屬木於五行乾坤垓圮以無垠兮動
植樂育於生成漏暖信於梅枝兮見天心之來復窺韶
光於柳眼兮驗百卉之回綠劃殘漸之已泮兮增太液
之清波倏積雪之盡融兮鬱瓊島之嵯峨鴈噉噉以思
歸兮羌呼羣於水曲鳥嚶嚶以將鳴兮欲遷喬於幽谷
蟄蟲闖其啟戶兮紛蠕動而翔飛潛鱗躍以上冰兮競
鼓鬣而揚鬣探上林之桃杏兮含無窮之芳意况御苑
之蜂蝶兮亦聯翩其遊戲感萬物之暢達兮來淑氣以
陶鎔想春光之九十兮塞宇宙之冲融仰聖皇之御極
兮邁唐虞之盛德直體元而居正兮茂對時而育物開
明堂以布政兮居青陽之左个乘鸞輅而駕蒼龍兮慶
賜行而宏播躬郊壇之祀事兮格精誠於昊蒼修祖廟
之肆享兮通肝鬻於先皇爲萬民而祈穀兮曰農事之
當布懸象魏於觀闕兮謹昭宣乎憲度施政教以順序
兮渙號令以維新運堪輿之妙用兮法造化之深仁恩
波溢於海寓兮祥光被乎四表惠溥及於鰥惸兮澤旁
覃於胎天在日月之所照兮及舟車之所通具顛圓而
趾方兮孰不涵煦於覆幬之中願微臣之膚陋兮徒竊
祿而無補聖德奚以名言兮惟頌歌而蹈舞歌曰震宮
初動時孟陽兮木德惟仁萬彙昌兮惟聖天子開明堂
兮流慶施惠法天常兮玉燭和調日舒長兮世躋春臺
俗醇龐兮河海清晏邁虞唐兮四夷賓服來享王兮小

臣作頌肆揄揚兮伏願聖壽億載無疆兮

聽鶴軒賦

子友郭君彥理曩在南京嘗持聽鶴軒卷索予爲賦予時偕計北上迫於試期不獲遂所請今從親至京復出此卷示予展視則已爲華胄勳衛公所先姑亦效顰於末非故與之角貴不爽舊約焉耳其詞曰

弭余節於瀛洲兮陪羣仙以遨遊聆天風之下上兮落清響於高秋靜余武以延竚兮愛餘音之斷續覺塵耳之頓豁兮泮寒泉於一掬恍羣真之禮極兮鏘珮玉其琳琅疑鈞天之廣樂兮律協應於宮商道逢余之故友兮序汾陽之世譜爰傾耳以告余兮斯乃胎禽之送語

倪文僖集卷一

三

曰予嘗參此兮儼真素之芳容匪吾子之見賞兮孰能得夫子心之所同嗤粉黛其駢列兮紛擗箏而擊筑拂梁塵以過行雲兮適足蠱心而蕩目慨風雅於中古兮會一聲之莫遺引圓吭以振羽兮若大音之正希繫生物之有聲兮形氣軋以相成繁噪者亂吾慮兮哀怨者傷我情惟伯趙之與鶯黃兮肆頰舌其無餘憐燕鴈之來往兮歎梟獍之不可與居彼離渠之急難兮羌不可道也雁鷗鴉以嘒嘒兮又机腕而莫之好也豈若吾之仙客兮出青田之世族形歷世以屢變兮壽千齡而不足養圓顛之渥丹兮曳裳衣之玄縞飲瑤池之玉液兮啄元圃之瑤草席威魘之遺慶兮策南征之故勛匪子

晉而莫馭兮豈士衡而得聞夜警露以長鳴兮旦冲霄
而勵翼訪逋老於孤山兮夢坡仙於赤壁心乎契以蘭
臭兮結新盟於歲寒時興逸而起舞兮發鬣尾之清彈
徹塵馬於寥廓兮駭窗雞之辟易諒知音其旣覲兮願
療此煙霞之痼疾予聞已以蹶生兮嘉物理之善窮昔
孔聖之耳順兮貴聲入而心通彼鳴皋而聞于天兮固
無微而不灼在陰而子和兮信可縻於好爵睠閭闔其
尺咫兮宜排雲以上呼跨黃樓之六翻兮斫蟾窟之桂
株待震霆之起蟄兮露嶄然之頭角筵鵷鷺之清班兮
接鳳凰於阿閣斯時也余將與子共遊樂於靈囿兮重
聽夫白鳥之嚮鷺

瓊花圖賦

后土瓊花世傳天下惟一本金完顏亮犯揚州揭之而
去自是遂絕後以入仙花代植故處金貢士伯玉求吳
中書希純畫此花索題其上故爲之賦

元造運兮無停羣彙勃兮生成曾物物以雕刻乃自色
而自形何瓊芳之毓秀擅穠華於廣陵繁幽魂兮久逝
恍喚起兮如醒爾其煤麝揚芬毛錐脫穎意匠方玄天
機乍警翦瑤島之織雲印碧紗之清影柔柯澹兮相依
密葉蔚兮交映紛總總其繁英訝晚妝之閒靚蓋能駐
春色以常存幹化工而自騁者也當其結根后土破萼
蕃釐冰鬚綴粟素臉凝脂粲玉容兮照眼藹天香兮逼

肌鮮颺動搖步宓妃於洛浦零露厭浥醉阿母於瑤池
疑玄圃之仙卉儵六丁之夜移羌地靈兮所鍾豈人力
今能爲頓使羣英失艷千葩奪奇諒寰寓之獨步意東
皇之見私遂令江都之名勝境因物而猶垂也乃若遷
客追懼騷人繼訪雅韻爭裁高吟競爽唐昌觀裏浪誇
仙女之遊無雙亭畔素愜醉翁之賞想神物兮禁訶壽
千齡兮無恙柰狂虜之冥頑揭本根而長往待息體於
遺葉終褫魂於槁壤覽物理之興衰慨子情於俯仰彼
靈區兮猶昔望燉人兮不還繼芳蹤者誰子惟見聚竊
窺兮八仙匪託跡於剡素將孰識其孤妍噫吁兮麒麟之
生異乎犬羊鶩鶩之翥爛乎文章是皆出則應瑞見而
靡常顧茲瓊芳之拔萃抑亦和氣之醞釀雖器車兮莫
儼殆三秀兮可方然而鳥獸草木信希世而呈祥者矣
則夫公卿將相豈有種而流芳也哉

種德堂賦

吏部考功郎中永豐彭先生嘗出其會祖雪崖先生種
德堂卷示謙知雪崖系出宋御史中丞公之後以醫活
人子及孫世其業至先生昆季發身科第列職中外先
生冢嗣公鼎貳縣東莞羣從盛而且賢君子謂爲種德
之報也縉紳大夫著爲文辭述之備矣先生不以謙爲
不敏特命賦之不敢以蕪陋辭謹製斯賦以復賦曰
永豐之邑潭西之濱有隱君子雪崖先生之居爲宋御

史中丞九世之孫抱遺經而不售外聲利如浮雲廣善藥之貯儲濟斯民之邁瘠有翼其堂扁曰種德方寸之地是爲阡陌俾綿綿之若根見芄芃其允植收所穫於百年譬有秋於力穡者也爾其載芟載柁固爲善畊使無良疇厥功曷成或耘或耔固爲善藝使無嘉種厥生曷冀必大田之旣戒復鑑基之待時始東作而可興荒耒耜其能施然而或水旱之相仍或螟螣之蕃滋孤終歲之勤動乃求舖而得饑孰若此德根於性天匪有假於外求第反躬而自全苟栽培之日厚藹生意之勃然顧後艱以無虞恆豐腴而有年想其蒔之以仁布之以義易以禮樂壅以孝弟振聲華以若苗懷忠信其如穗

以謙遜爲溝洫來淵泉之善類以明決爲耨鋤去根莠之私僞豈助長以戕生惟直養於浩氣直心逸而日休順所天而無媿誓秉志以終身諒食報於來世猗歟先生古賢爲傳靈續續以上征澤津津而下流有孝子而不匱更孫枝之好修擅家學以專門克紹述於箕裘逮曾玄而益大信復始於公侯彼會者何合浦雙珠伯天曹以考功仲王門而曳裾擢科第以聯芳馥中外之美譽彼玄者何藍田羣玉長佐邑以哦松季待價而韞匱皆懷瑾以抱瑜方以似而以續繫此德以旣蓄嘉肯播以相承叩天道其不爽宜後葉之迭興昔三槐之蔭連與五桂之芳騰由本固而未茂實異代以同徵爰引長

而弗替將蔓延而曷勝挹前哲之高風悵九京其莫作
緬遺範之可師允有開於後覺胡愚黔之蚩蚩致牛山
之濯濯旣蕪穢以就荒抑何望於能穫念揄揚於世美
託文辭而永垂紛篇章以有述粲璣琲之陸離舉陶旅
之窳缶敢厠陳於鼎彝擣毫端之覩縷寄仰止之遐思

竹塢精舍賦

竹塢精舍者蘇之崑山錢君景和藏修之所也景和家
食時嘗愛竹有歲寒之操環植舍外森然有淇澳湘水
之勝其清高之志可見矣景和茲膺剡薦起爲侯門師
範乃以是徵題於子子嘉其請之勤也遂援筆爲之賦

賦曰

倪文僖集卷一

七

崑山之麓有林蔚然結重陰於十畝瀉靈籟於九天露
葉低回翔紫鸞之天矯霜竿離立倚翠袖之嬋娟羽葆
張兮待月碧玉煖兮生煙逗薰風以脫綳冒夜雨而行
鞭時有曠達之士避俗之賢託之爲友望之若仙闕精
舍以相狎日盤礴於其間或膝其琴或手其編坐芳根
以對弈藉蒼苔而肆筵拊琅玕以吟嘯彷彿汎湘浦而
入淇園也一日舍之主人遊樂之倦隱几而息夢一魂
特君子長身秀眉青衿翠幘俯而揖拱而立曰天下之
物可愛者多矣何獨於竹而見溺乎將謂其色堪玩則
葱蒨者孰若粉黛之妍皙其聲宜聽則鏗戛者孰若管
絃之繁急清標之芬豈勝麝蘭之襲稚筍之味甯似肥

鮮之適乃棄彼而不御顧於茲而致憚子之意其亦有所擇乎否耶主人曰不然吾之愛夫竹以其有德也彼其羣而不黨直而不撓虛乎有容潔然自高溪壑幽閒足以遂其性霜雪嚴沍不能變其操此子猷所以一日不可無而七賢六逸恆於是乎遊遨也若乃葩華穠膩艷冶哇淫雖可愜情而快目適足喪志而蠱心疇似此君之冷淡與之交歲久而彌深哉君子曰子之於竹可謂真能愛矣旣知愛之慎勿害之彼元之也與之何仇忍剝其腹以建黃州之樓此子陵也與之何疵竟翦其支以繫桐江之絲或揉之爲籩筐或辱之爲帚箕固因材而見取抑豈此君之所宜乎尙戒於斯可也主人矍

然曰天之生物必資於用藏器於身待時而動使伶倫之有求亦不一往奏九成而來儀鳳乎於是君子軒然大笑爾汝忘機倏風雷之破壁化爲龍而奮飛遂遽遠以驚寤但見翠華之滿衣

觀泉賦

當春日之載陽兮柳裊裊以垂絲暢沖襟以抒寫兮陟層臺而自怡雲冉冉其出岫兮風飄飄而吹衣捲翠岩之石罅兮懸瀑颯其雙馳恍銀河之倒瀉兮訝玉龍之競飛神爽忽焉飛越兮人世杳然以如遺慨古今之禪代兮少日壯而老易衰惟茲流之噴薄兮亘四時而不移嗟人生其如寄兮徒擾擾將何爲傷余懷以興感兮

足踟躕而忘歸

辭

壽護堂辭

覽名區之殷庶兮紛甲第以次鱗中華棖之肯構兮藹
庭戶以藏春挹穠英之餘馥兮日叢護之攸植介慈闈
之壽考兮賴憂忘而樂集繁燄人之克孝兮羨嘉卉之
標奇豈移根於玄圃兮抑接眇於瑤池涼露漱其芳潤
兮晴吹梳其翠葆鍾淑秀於玄造兮毓靈芬於富媪惟
蟠木可共譜兮必瑞芝可連苗期後天而不老兮凌三
光以同凋將倚檻以載觀兮頻緩頰以微哂齡胡慕於
簞鏗兮卜胡問於詹尹嘅莊椿以早謝兮羌三釜而莫
將鼓坎坎以承權兮舞蹲蹲仍自傷雖物理之難齊兮
實顯融於不朽也盡愛日以甯親兮固將壽茲護於同
久也亂曰護之敷榮厥得地兮綠葉黃華紛表瑞兮能
忘親憂樂罔旣兮眉壽無疆俾昌熾兮立朝有子珮玉
珊兮宸翰昭回誥仵頌兮護燿增輝親解顏兮華堂永
固歸乎並南山兮

梅月辭

歲冉冉以將晏兮肅萬里之冰霜山林黯然消瘦兮草
木薈其摧傷何天意之有偏兮獨儲美於孤芳先百花
以競放兮早有得於春陽粲珠璣之錯落兮插繁英於
晴昊當大雪於續紛兮羌迎寒而索笑骨稜稜以屈鐵

兮膚淡淡以凝脂振江妃之瓊珮兮浴王母之瑤池逗
微風以馥郁兮度暗香而襲人蹇獨立而無偶兮淨不
染乎纖塵睽江南之久違兮別幽姿而莫親悵驛使之
空來兮誰寄余一枝之春繁若人之神妙兮援紫毫於
秋兔灑蒼松之翠煙兮爲傳神於縑素忽披圖而宛見
兮儼橫影於孤村罨蟾華於南枝兮照萬古之冰魂慨
月姊與花神兮洗鉛華而相映豈藐姑射之仙子兮整
靚妝而臨鏡入華光之三昧兮得補之之不能舍兮首屢往
於眼底兮覺化工以無權余愛之而不能舍兮首屢往
而回顧聊滌余鐵石之心腸兮效廣平而作賦

琴操

倪文僊集卷一

十

風木操題文學江先生風木圖

有樹芘芘兮山之阿樹枝欲靜兮天風多風不停兮奈
爾何兒有祿養兮爲親怡親不待兮將何爲感皋魚兮
淚空垂我語天風兮莫吹彼樹上烏彼烏能反哺啞啞
引其雛嗟嗟我生兮不如烏

古詩四言

君子之驄

君子之驄別李公也李公以國學儒彥入憲臺爲御
史宦轍所至有聲時望倭屬祇奉綸音總理畿內學
政錢唐倪某故作是詩以贈云

君子之驄載馱載馳駕言行邁孰授之維曷云能維帝

命是將蹇蹇匪躬勿敢怠遑

豈無他人式舉憲綱不如君子德音孔彰文化久乎善
政亟布海隅江左謳歌載路

山有松柏澤有蘭苕皇畿千里濟濟譽髦敬敷在寬哲
后明訓爰嗣鐸響有錫其振

相彼小子侯國之琛因材長育其成若林時雨沃之仁
風薄之瞻言歸只天子樂之

君子之馳四章章八句

慈烏

慈烏憫孝子也四明宋子昇早喪父賴母訓以底成
立而母亦繼歿後遷西夏追慕不忘作堂扁曰思訓

錢唐倪某爲體其意而作是詩焉

倪文僖集卷一

十一

慈烏在林爰及其哺哀哀母氏棄我弗顧

慈烏在林載飛載集哀哀母氏棄我弗卹

人孰無父我獨早孤人孰無母我獨告祖昊天悠悠降
此大咎憂心憧憧疾如疾首

朝躋于堂淚交我頤夕降于堂淚漬我衣我續我蠶我
書我詩惟母之訓云何弗思

蘭山蒼蒼薊水湯湯心之思矣曷惟有忘
蘭山岌岌薊水湜湜心之思矣曷其有極

慈烏六章四章章四句二章章八句

萱堂

萱堂壽賢母也詹事府簿趙君有母夏淑德著于宗
族嘗夢感錦悅生二子伯曰敏以科第起家爲校官
仲曰政卽府簿也有孫八人一領鄉解君子謂爲積
善之澤云今年壽届八十康甯無恙府簿君祿仕于
朝欲迎養未獲懸念不已子嘉其孝爲作是詩俾寓
歸光溪以爲賢母初度之頌焉

彼茁者萱于堂之域母氏戾止心乎孔懌其懌維何錦
悅告祥邕邕雙鳳斐然有章名之達矣以顯以揚

彼茁者萱于堂之背母氏戾止心乎孔懌其懌維何孫
枝說說元兮愷兮洵美且仁亦有克子踐迺後塵

彼茁者萱于堂之階母氏戾止心乎孔諧其諧維何齒
聿云耄淑德柔嘉享有壽考自天降康永錫難老

倪文僖集卷一

豈無天祿爲養匪薄豈無旨酒式燕以樂孫子若兮母
兮矇兮壽考無期等喬岳兮

萱堂四章三章章十句一章入句

韻水苑以爲賢母初度之頌

傳俗世壽未幾懸念不已子嘉其孝爲作是詩俾寓

善之澤云今年壽届八十康甯無恙府簿君祿仕于

倪文僖公集卷之一終

倪文僖公集卷之二

古詩五言

金臺詠

憶昔燕昭王招賢築高臺千金市駿骨郭隗乃良媒方
延樂毅至復數鄒衍才猗與劇辛輩袞袞彈冠來得道
信多助英風颺九垓芳躅久淪謝遺趾猶崔嵬落日伏
狐兔清霜披草萊悠悠覽陳跡仰止情徘徊

遊正陽門

晨值沐浴高步城南樓徘徊俯層構一覽人極周吾
皇馭宸極善繼宏遠猷羣工樂趨事神功不日收萬雉
切霄漢入牕千斗牛提封億萬里賦貢走夷酋增崇天
府國偉冠帝王州抽毫未能賦微吟紀斯遊

送同年李進士郁歸省

憶昔挾長策同上黃金臺排雲叫閭闔競吐琅玕才日
華麗五色星采聯三臺春風曲江宴爛醉流霞杯香衢
控玉勒飛蓋相追隨長歌激層漢此樂真快哉遂令名
與姓一日傳九垓鶴立侍通明恍若登蓬萊我約赴星
期神拂天香回君思定省曠又向家山來解后遇金陵
傾寫懷抱開交深志逾合敬久情不衰欣然斂疇昨共
酌葡萄醅未諧投轄歡且復張帆催飛飛白雲遠淼淼
清流洄到家親意舒喜色知盈腮升堂奉甘旨拜舞應

徘徊豈惟邦家光實爲閭里輝私恩旣云遂公義未可
乖涉川藉舟楫調鼎資鹽梅我將駕大舶臨風邈長淮
朝陽奉奉枝高岡遲鳳喙聊茲一分手離思那能裁

題竹蘭古石

湘皋風雨深磊磊石應長芳華散幽馥寒玉搖清響彼
棘何天天託根乃同壤千古仲尼心援琴動遐想

畊樂翁

春風動阡陌萬彙俱欣欣負郭數頃田及時畊且耘朝
帶西疇雨暮拂東皋雲芄芃長禾黍不辭霑體勤婦子
事晨盥羹藜藜芰香芹日入荷鋤歸遠下牛羊羣山村四
五家雞犬聲相聞秋成共收穫遺秉何紛紜但見倉庾
盈孰知塵世氛瓦盆注新綠暢飲總成醺醉來歌擊壤
此樂甯可云嘅慕鹿門老永懷盤谷君斗酒欲相勞銀
魚未能焚

陳氏終節堂

挺挺霜崖松泠泠古井泉伊人秉貞潔可以况清堅芳
齡二八餘于時移所天白首穀同室豈云中道捐結帨
甫六載矢心期永年遺息方在哺顧影常悲憐從茲屏
膏沐孝養志倦倦蔬食每不足姑嫜飽肥鮮殷勤脫簪
珥爲粥簡與編幸侍二親老繼復歸重淵艱苦已備嘗
家立子且賢高堂坐華旦綵衣舞蹁躑抗節世多有孰
保終始全景行人所欽青史容無傳

永思堂爲錢唐朱彥明賦

椿萱嗟已零，棣萼繼凋喪。永佩過庭言，無復倚門望。始
賴伯氏存，亦耐泉臺葬。子立復何依，旦夕增悽愴。皇皇
沒世悲，耿耿終天恨。願言守厥身，名宗庶能亢。

山水畫

蒼山疊秋旻，岩壑鬱蕭爽。虛亭闕無人，古道絕來鞅。雲
迷遠近村，樹隔東西壤。安得濯塵襟，中林恣幽賞。

送陶進士希文南還

丹穴有鳳雛，負出風塵表。振羽凌紫霞，翩翩五雲繞。一

朝覽德輝，下翮梧岡曉。和鳴叶九奏，快舉愕羣鳥。方冀
巢阿閣，更許浴靈沼。何爲鍛其翮，相違向中道。依依送

倪文僖集卷二

三

將歸開尊寫襟，抱靈物孰能遺。歲寒宜自保，曠我本潛
鱗。尙逐魚在藻，終當入蓬瀛。相從拾瑤草，

石蒲畫二首

齒齒水中石，脩脩石上蒲。清風一披拂，踈翠自紛敷。宛
若避世人，悠然山澤臞。坐疑碧溪月，移影在庭隅。

青蒲翳拳石，秀碧浮東海。龍骨自糾纏，霜鬚更瀟灑。九
節信通靈，四時常不改。不遇九疑仙，中流復誰採。

題畫金蘭

柔毫奪化工，寫此湘皋榮。猗猗轉光風，粲粲敷金英。此
君靜相倚，歲寒同結盟。珍重置座隅，將况交友情。金以
堅利斷蘭以揚芳馨

王母儲氏貞節詠

盛年結褵時擇配良偶諸將期共白首遽云中道乖大
義往從之豈復惜餘骸仰思親在堂俯痛子在懷茹蔬
保貞潔蓬首仍無釵從一志靡移甯如枳逾淮竭力奉
姑章孝養誰能儕青燈課兒學賢希參與柴壽今過古
稀德光詎終埋赫赫頌旌書昭昭下天階綽楔表高門
榮寵垂無涯千古共姜節清風與之偕

贈趙生文博西還

昔我占科名所學慚未充一朝拜官爵謬廁詞林中吾
子雁門俊鼓篋游泮宮不辭負笈勞千里來相從自視
尚昏昏何以啟子蒙嘉子志勤篤館置幽軒東篝燈誦

倪文僖集卷二

四

經史午夜聲淪淪問辯忒研討物理靡不窮操觚事修
辭吐語超凡庸磨瑣刮其垢文藻尤舂容由子性明朗
有若金石鎔荏苒經二霜所得亦已豐矯首懷故都歸
思何匆匆再拜別我去嚴城動晨鍾時當秋氣涼一葉
飄井桐到家展省餘事業宜專攻况子宰臣後鄉里稱
儒宗賓興諒不遠高折丹桂叢借計上春官朝端會重
逢黽勉崇令德庶俾聲光隆

桑榆景西頽耿耿卽元夜八旬逾二齡溘然遽殂謝平
生邁多艱辛勤靡偷暇姑病謹扶持爲禱北辰下豈惟
侍湯藥甘旨極豐腴喪葬禮咸備夫孝名與俱夫亡屏

膏沐家貧恆晏如詩書課遣允喜踐青雲衢雲衢豈不好所傷隔遠道封章未及榮玉軀已難保翩翩南飛鳥憂心怒如擣淚灑玳山原流丹漬秋草

中村別業和草廬先生韻爲臨淮尹彭光賦

憶昔中村居名流盛詩賦百年何所餘合抱當時樹良疇盡膏腴豐年詠多稔况負邑城南相違一舍許桑麻遂敷榮牛羊樂孳乳纍纍近古墳宰木煙雲昏日落雙鍾畔惟應狐兔蹲欲持一杯酒往憫千載魂承家有賢令餘慶知長存尙期守茲業綿綿在兒孫

陪祀三陵倡和詩

時正統丁卯長至也

出都城用曉字

倪文僖集卷二

五

嗣皇謹時思烝祀烈祖考攝行遣貴戚分陪及微眇陞辭赴三陵出郭天乍曉員精升陽谷晴暉散林杪况當一陽生便覺春意早仰顧天壽山巍巍倚天表

途中遇風用色字

蜚廉西北來長途肆狂悞鞭驚渡清河凜冽勢轉亟揚沙眯雙眸舉袂頻自拭豈容披襟當正藉貂裘敵行行抵山陵薄暮殊未息且須就村舍把酒憫寒色

入山用林字

同寅二三友聯鑣陟嶽峯鬱鬱龍虎地蒼蒼松檜林愛日麗中天寶殿光流金三陵若鼎峙永鎮坤維深聖靈仰在天何以致居歆虔恭相明祀精白惟此心

然予謁陵用問字

闕宮闈清穆三后奠此山吉蠲致孝享玉陛聯清班祠
官獻爵帛秩秩儀度閒高明以承祀儼若臨天顏列炬
爛有輝高暎河漢間禮成夜逾半策馬行當還

送郭儀

風雅三百篇刪定自魯叟齊韓毛鄭流箋訓非一手千
載何適從異說互紛糾不有紫陽翁曷能撤其蔀至理
煥以明昭回粲星斗坐令三代前溫柔見敦厚郭生英
妙姿好學志不苟執經遠相依羣疑藉分割媿非萬石
鐘何由啟撞叩所喜務研精不問辰與酉展卷鷹隼視
落筆龍蛇走乃知物其中必在勤斯有京華歲將淹思

倪文僖集卷二

六

親重翹首別我向恆陽升堂娛父母戲著萊子衣滿獻
椒花酒再拜慶履長敬祝期頤壽方今際休明麟鳳在
郊藪期爾與之游此意還知否新春景暄妍和風散虛
牖毋爲道中捐虧篋同培塿

題蘭寄潘景瑞

浦城潘君景瑞爲吾應天教授節菴李先生之壻也
景瑞爲館甥時嘗與予講學於玉兔泉東書樓之上
情好甚洽尋以遭乃尊鴻臚府君喪扶柩還閩遂爾
別去邇來十有餘年矣每一思之未嘗不引睇南望
也適其姻婭余正術考績來京始得詢其起居之詳
然予聞之古人之交友有曰金蘭契者蓋取易同心

之語也茲正術歸無以爲景瑞贈因求中書希純吳
先生作爲墨蘭并題數語於上託正術以寓景瑞庶
以附於古人交契之義而伸久別之忱云予之所望
將必有徵於他日也
叢蘭在幽谷濯濯冰雪姿霜筠共貞操楚楚琅玕枝光
風汎踈穎白露凝華滋清芬被百草豈謂無人知我欲
結爲佩采芳薦彤墀悵悵隔澧浦路遠莫致之悠悠十
年別迢迢千里思含情託毫素永固同心期

清心軒爲徐彥澄賦

至人本無欲賢者能寡之天真洞軒豁靈臺果何疵彼
哉夸毗子汨汨務外馳元珠濁水昏寶鑑凝塵淄疇能
濯與拭粲然發光輝南州孺子孫克已恆自持冀令方
寸間清如湛漣漪心清萬理明酬應靡不宜甯知眾欲
攻伺隙抵我巖勉焉慎毋間素魄當空垂

題畫龍

蟠泥伍魚鼈疇能識其神一朝雲雷便奮躍飛天津葉
公豈真好劉累安可馴蒼生望已久爲霖沾八垠

題畫虎

錦文何斑斑電目復焯焯日落嘯空山百獸皆披靡橫
道正磨牙在阱乃搖尾威彊勿終恃君子貴循理

雙節行

爲華清賦

會姬正青年嫁作朱家婦三歲喪所天一女方在哺一
解

辛苦奉姑嫜育女已及笄貳室得賢婿絲蘿幸有依
夫婿亦云亡呱呱遺弱子子母共居嫠矢心如白水
子今長能孝慰母與外姑雙節厚民彝咄哉首鼠徒

解二
解三
解四

送楊侍講還陝省墓分韻得把字

我舟故鄉回君帆亦南下相逢白下橋襟懷倍傾寫金
陵最佳麗遊覽時並馬攀蘿挾幽僻歷磴窮清雅暫會
忽云別解袂若陶瓦迢迢咸陽道煙雲護松檟展墓伸
孝思椒漿奠瓊竽君能濟時艱非可閒逸者北轅宜早
旋努力支大厦會食玉堂杯明年殆同把

題墨梅

歲晚霜風嚴萬木僵欲折胡爲此粲者孤高挺奇節蕭

倪文僖集卷二

八

然出世姿不受塵土涅繁英插晴昊瘦骨欺寒雪華光
寫其真照眼色清澈渾疑藐姑射羣仙振環玦和羹他
日事老幹且屈鐵肯學桃李花徒媚兒女悅

集陶挽王守正主事

編修僕
父也

東方有一士委情在琴書清飆矯雲翮婉變憇通衢羈
鳥戀舊林息駕歸閒居步步尋往迹浪莽林野娛有子
不留金慨然念黃虞校書亦已勤出則陪文輿在苒歲
月頽指景限西隅一朝長逝後壑舟無須與誰云其人
亡至德冠鄉閭生有高世名過此奚所須幽室亦已閉
精爽今何如千載拊爾訣言盡意不舒

題四景畫

春花正堪賞春酒復可沽駕言策雙蹇挈榼携奚奴溪
橋縱閒適風旆遙招呼暖香襲襟袂粲然桃李株梵宇
隔雲林亦可尋浮屠歸來錦囊重想多明月珠
竹軒啟蓬扉中有校書叟扶筇抱古桐來覓賞音友蓮
塘花亂開香氣入戶牖扁舟蕩蘭橈載送百壺酒山僧
出古寺杖錫競奔走何如俯清流咲飲拍銅斗
幽亭闋宏敞占勝居崇岡杖藜三五叟相携此徜徉俯
視木葉緋醉暈朝來霜行旅涉遠道閒僧歸上方溪漁
有至樂六葉雲水鄉撫景淡忘返遙岑留夕陽

六出花正落積玉高峻嶒山城絕過客古寺無遊僧孰
云石徑迷有木尙可蒸孰云水脉縮有魚尙可罾擊蓋
沽酒歸擬欲澆凌兢甯知下帷士頓忘寒氣增

倪文僖集卷二

九

送曹冕中書南還省親三十四韻分得青字

宣尼古大聖訓子重過庭韋賢漢名相傳家惟一經顧
茲燕翼謀在昔有典刑引之乃弗替世德流餘馨昂昂
千里駒逸足追風霆姿儀更清澈儼若鸞鶴停嚴君領
縉紳雅德崇朝廷延師務啟迪編簡對疎螢奧理善研
析牛刀初發硎藻思復敏贍高屋方建瓴掄材向明時
染翰依槐廳聲譽藹儒彥有耳無不聆時望孤雲飛思
親恨無翎睽違在南國幾易堯階莫封章徹當亡詔許
諧歸甯翩然戒行李祖帳開離亭驪歌遏行雲酒傾雙
玉瓶西風掠眉鬢去去亦易醒况當秋欲深瑤空霜露

零草木屬搖落華澤凋顏形獨餘東籬菊粲粲呈修莛
黃花正堪采稱觴介遐齡想當做華讌賀客聯歌伶矯
首向中夜光射弧南星綵衣舞蹁躑絳蠟揚晶熒大斗
酌春醕孰辨渭與涇爲樂未渠央至孝薄紫冥南橋北
山梓並秀何青青聖皇御宸極垂拱負展屏渴賢屢側
席藥籠需參苓東風扇微和春意回林垌鳥聲碎花塢
草色迷煙汀此時宜北來滄江稱揚船忠孝貴兼盡仁
看承寵靈

聽秋爲過庭章賦

賦

大塊氣一噫觸物皆有聲胡爲琅玕枝遇之聲更清况
當高秋時商音屬金行萬葉脫如翦昂然挺孤貞高人
抱幽獨種之周四楹時還洗塵耳宴坐聽琮琤緩若朱
絲絃疾若銜枚兵珊若佩環響鏗若宮縣鳴聽之久不
厭神爽得和平隱几得真趣萬慮何所縈我欲夜相造
爲踏涼月明披襟挹天籟雙耳定須傾

梅菴爲楊祖順禎賦

子海府學生

林逋去我久孰能愛孤芳諒匪高世懷視此徒俚俚江
南春欲回萬卉亦已僵老幹正屈鐵繁英傲冰霜北來
當歲寒翹想恆彷徨甯知此菴內忽挹君子香丰姿逼
人清粲粲玉雪妝貞白以自守恥登桃李塲豈惟吐奇
芬繕實味勝常和鹽薦鼎鼐需賢聞有商

賀李尙書壽八十

大學士李賢父也分韻得景字二十二句

煌煌壽昌星光現丙瑞應列仙儒八旬娛蔗景素
馳長者譽忠厚著鄉井積慶鍾俊良高步蓬萊頂經綸
濟明時內相鈞軸秉老仙荷推封錦誥凡四領何異尙
父榮猶存武公警名位接三台祿養豐五鼎威鳳來虞
廷偉甚儀觀整適當初度期九夏日正永綺席延南薰
璧月耀東嶺盃分春酒滑椀送冰漿冷兒孫迭稱觴醕
饋祝噎哽金紫萃一堂貴盛疇與並仁者壽而康遐算
超溟滓辟穀有飛丹誰慕陶宏景

題朱用孚孝友卷

用孚與兄用章客淮揚用章病用孚極力調護請於
天乞以身代用章臨絕口占詩一律言涉佛老遺言

倪文僖集卷一

十一

願世爲兄弟旣卒歸其喪上谷交游嘉其孝友賦詩
美之故予亦有是作

韡韡常棣華粲紫荆樹瞻彼柯葉榮由茲本根固嗟
哉弟與兄同胞均乳哺形從一體分何異手足顧京城
繕甲兵淮南歌尺布澆風日逾扇紵臂視如路疇能念
天顯二惠忻僅睹承權共克諧幹蠱胥遠鷺淒涼伯氏
塤天涯遭沈痼姬旦彼何人伸也心切慕懇懇捐此身
乞代仰天呼高元勿見察大夢竟難寤絕筆脫塵凡遺
言激衷慄瞑目賴有依旅櫬獲歸耐友愛本因心至性
天所賦砥柱屹頽波古道獨回沂厚德聞四方輔世非
小故千齡孝友名可以垂竹素

倪文僖公集卷之二終

五言五首

五言古詩

五言古詩 倪文僖公集卷之二終

五言古詩 倪文僖公集卷之二終

五言古詩 倪文僖公集卷之二終

五言古詩 倪文僖公集卷之二終

五言古詩 倪文僖公集卷之二終

五言古詩 倪文僖公集卷之二終

倪文僖公集卷之二終

倪文僖公集卷之二

倪文僖公集卷之二

倪文僖公集卷之二

明 倪謙 撰

古詩五言

山行畫

喧煩厭塵事思此邱壑清二老有夙期杖屨山中行穿
雲入翠微漸覺路不平深林不受暑夾道如相迎長風
萬里來振作溽籟鳴新涼灑襟袂滿耳俱秋聲况携三
尺桐可以宣幽情橫膝發孤響古調餘咸英豈無考槃
叟岩棲此逃名相過敘情話濁酒時與傾興味自相貫
共結泉石盟

曉行畫

倪文僖集卷三

一

雞鳴眾星沒駕言卽長途靡靡事行邁從以兩僕夫漑
漑溪水流鬱鬱隴樹敷日高門未啟隔渚煙村孤逸蹇
樹兩耳健於千里駒長鳴度溪橋野色迷平蕪問君此
何之觀光上皇都將彈貢禹冠不受終軍繻丈夫四方
志致身乃良圖懷玉勿自衒所貴待價沽豈若鄉井兒
齷齪惟守株

橘齋爲劉傅賦

端居抱冲素一室無塵汗至道契軒農獨與世好殊后
皇有嘉樹移植當庭隅冰霜氣逾厲華葉紛榮敷清陰
覆衡宇悠然懸一壺香侵擣藥杵色映燒丹爐豈云擬
侯封富役千頭奴摘枝飲泉水坐使沉疴甦活人藹春

意甯讓緩興盧蘇仙去世久惟君乃其徒何當造君廬
一掬從君需頽齡爲予治白髮還成烏謝靈運詩與示遊
題蕪湖陶氏所藏淵明歸去來辭圖蘇軾詩

淵明歸去來初非薄五斗悠然獨往意寓興詩與酒三
徑有菊松門垂五株柳清風北窗下羲皇以爲友大書
晉徵士千載名不朽至今一篇辭諷誦在人口良工得
其意模寫出妙手後人能寶藏什襲若瓊玖傳家豈不
美所貴德世守勉焉繼高風名宗庶無負蘇軾詩
題小景二首蘇軾詩

倪文僖集卷二

二

秋山秀而高秋水湛以碧山空水脈縮冉冉霜葉赤孤
村賣酒家長橋遠行客古寺數聲鐘斜陽在東壁

蒼蒼嘉樹陰高閣臨江渚水光映山色長夏不知暑幽
人繫小舟來此坐容與嘯傲滌煩襟誰能送清滑

陪錢學士飲都景章宅有詩見遺次韻

憶昔隨驥尾早承君子知同朝篤交義何殊鳳鳴岐甯
知信素履世路多艱危章公旣觸笄錢公亦逢幟而我
復嬰禍三人各分馳雖云居患難志節同堅持諒是松
柏性不畏霜雪欺天道乃好還光輝今若斯司制起永
叔典樂谷后夔疲驚驂未乘敢辭筋力衰公皆國楨榦
允爲天子毗拔茅誤及茹自揣夫何宜喜茲展清讌深
杯安足辭久別重歡聚豈伊人力爲慷慨發高興示我
清新詩陽春本難和聊敘衷腸私

金蘭爲華德題

父守正號怡蘭

蕙蘭被幽谷綠葉何紛紛披紫莖擢芳蕤英芬吐清奇豈同凡草伍自與修筠宜終歲抱貞獨不求人見知所以君子心對之情自怡誰將邱壑容涅以黃金泥光輝燭人目粲粲生華滋外貌雖可奪至性終不移

九月十日王祭酒雞鳴山登高分韻得日字

昨朝屬重陽陰雨何濛密今晨忽晴霽仰面見白日浮雲喜盡歛四野青山出司城重佳節招邀登翠棹遙指雞籠巔茲焉遂閒逸極目騁遐矚一覽風景悉仰瞻寶公塔俯憇瞿曇室坐聽穎師琴泠泠鼓清律張筵對黃花酒泛金尊溢况我八九人俱是清閒秩緬思陶淵明

倪文僖集卷二

三

東籬與高率周雅詠鳳凰風唐風歌蟋蟀若復不盡歡轉盼流光失勝會苦難常後繼安可必明年知誰健莫厭杯行疾

古詩七言

賦得天上麒麟歌壽盧大海

時正統改元除夕前二日大海卽廷佐初

也字

麒麟本是天上物頭角崢嶸光五色紫皇案前頗馴擾雷祖跨下尤奇特碧蹄蹀躞凌紫霞毛骨凜凜無纖瑕忽然掣斷黃金鎖來降江南盧氏家多君生來最清澈逸氣英英稱敏捷碧玉煖發藍田煙冰壺冷浸瑤臺月橫經早向芹宮遊文光夜夜摩牛斗忙看破浪出南海

一枝折落蟾宮秋，祇今歲轂行將暮。喜遇佳辰是初度，
畫堂日煖篆煙長。南極流輝照庭戶，流霞滿酌琉璃卮。
玉管鸞笙次第吹，碧桃花底東風軟。元圃天中白日遲，
神龍出圖龜出洛，丹鳳翱翔入阿閣。靈物紛紜感盛時，
豈可將身老邱壑。白駒疾去不可呼，及時汗簡當涵濡。
知君固是麒麟種，姓名擬向麒麟圖。

天閣雙桂軒爲侯給事臣賦

君家軒前雙桂株，何年移植來庭隅。深叢勁幹互盤錯，
凌雲欲礙西飛鳥。秋高木落萬山瘦，不與凡卉同凋枯。
鮮飈輕逗翠雲捲，溥露微漬丹霞敷。朝來海色在庭戶，
照眼宛似柔桑扶。又疑沒水走象罔，同根縮出青珊瑚。

倪文僖集卷二

四

借問此種塵世無，云曾步月飛雙鳧。霓裳咲舞綠陰下，
珠宮貝闕開銀鋪。吳剛假斧競斫取，灑氣夜肅砭肌膚。
素蛾斂袂不暇惜，但剩一片冰輪孤。奇葩穠郁良可娛，
歸路夔絕非人途。共言持此獻閭闔，捫參直上天闕呼。
天顏一見喜，日都騰芳挺秀無。纖汗勅培藝圃近，槐棘
作我梁棟知。非誣紅光爭射斗，牛粲逸氣並吐虹。蛻粗
仙標沐盡鳳池雨，天香瀉入龍涎爐。世人仰望起歎慕，
似隔弱水瞻蓬壺。我聞此語吁嗟乎，冷然恍若餘醒甦。
始知在人不在物，乃比連枝二丈夫。邳林燕山世已徂，
百年佳聲猶合符。大噱絕倒驚奚奴，大噱絕倒驚奚奴。
敗荷鶴鴿扇面爲盧大海題

蒹葭滴露芙蓉死畫舫嬌娃摘蓮子蓮房摘盡雨蓋枯
幾柄猶存夕陽裏鶴鴒羽翼何輕盈隨風下土雙飛鳴
幾回謔浪學沙鳥並立蓮塘如有情煙寒水冷秋無際
畫史揮毫豈無意入手看來倍感傷閒倚南薰咏棠棣
詞家題周申書罨畫松贈賊貢士文滿事無榮食亦
東吳才子天池客染翰從容在西掖不嫌墨汁汚朝衣
愛向溪藤寫寒碧淋漓元氣何老蒼筋蟠骨立龍蛇偃
腥風灑地鱗甲紫震雷裂石鬚髯張天矯拏空形獮惡
一見驚人前復卻持鏡欲劖千歲蒼髯疑聞九臯鶴
英標自是梁棟姿頭角崢嶸應有時歲寒且爲厲貞操
待用明堂非爾誰

春風捕魚圖爲夏得中題

倪文僖集卷三

五

煙渚蒹葭撲晴雪蓼花暗染猩猩血七月八月江水深
戲藻穿蒲飽魚鰲大船小船高揭篷督單競入洄流中
碧濤徐捲手初舉錦鱗翠鬣翻秋風箇箇肥鮮真可愛
石火爭敲煮鮭菜收筒欲向浦口歸携筐擬就沙頭賣
船尾兒牽阿母裳瓦盆酒熟爺試嘗母笑持殮兒待哺
渾家共樂雲水鄉盡日忘情對鷗鳥萬事無榮貪亦好
卻嫌富貴有危機此身甘伴滄浪老聞尚南薰利寒熱
竹坡爲丁文暹賦能畫賦資畫賦寒水命燈無酒
君家不種間草木數竿碧立藍田玉此種知從何處移
若非湘浦應淇澳隣近時從一借看只疑誤入貧簞谷

幾回欲傍曲闌行履痕恐破莓苔綠由來士俗不可醫
多君標格真清奇碧窗半啟靜相對雅懷幽絕誰能知
鷓鴣飛去月當戶鳳鳥不鳴雲滿墀淡煙低抹翡翠羽
仙風擊碎珊瑚枝有時轟雷走巖壑繞地龍孫逆頭角
一夜新梢出短牆錦綉撲簌林邊脫渾訝團團葆蓋張
轉驚葉葉金刀錯四簷寒影不勝清滿耳秋聲無處著
披襟但覺塵慮消豈容俗客當關敲香殘琴罷趣閒逸
賸掃百幅鮫人綃只今紛紛何足數歲寒宜結冰霜交
莫惟頻過縱吟賞玉芽爲我還須燒

蘆灘水禽圖

清霜乍落邊風高鴻雁南征吹羽毛長天飛盡楚江晚

倪文僖集卷二

六

衝煙幾點投衡皋山骨孤奇水痕落晴沙一片平如削
虞機良少菰米多任爾從容飲還啄飲啄知誰伴寂寥
黃蘆白葦聲蕭蕭危梢半折蘼寒碧雪花不向波間消
收拾秋容入毫素應使弋人何所慕夜月西樓過數行
祇恐隨羣破汀霧

王舜畊山水爲繆行人樸題

煙嵐萬壑吐復吞雨過汎漲溪流渾野橋山店夜初曉
香靄不辨東西村嘉樹蒼蒼迷近遠白雲滾滾銀濤捲
苔封古道闌無人未放曦輪上孤巘舜畊王翁八十餘
眼明能看細字書醉揮老筆元氣俱風景似是圖匡廬
多君長才擅專對好山覽遍芙蓉翠看畫駉駉憶曉行

詩成正攬皇華轡
建炎六龍飛渡江
江南有水分天潢
王孫稅駕向何許
風景獨憐閩海傍
東列十二德南峙
五馬山鳳凰
胡蝶相縈環
金鰲突兀翠釜覆
文筆立掃雲煙間
王孫來此
耽幽獨
深入江村結蘿屋
扁舟一葉傍
漁磯醉裏浩歌
山水綠日落不歸去
曲肱篷底眠
絲網高晒蘆花邊
西風欲下海鷗渚
明月正墮蛟龍淵
王孫已逐江流去
今見雲仍玉堂署
百年世德動遐思
毫端寫出滄洲趣
玉堂老仙來索詩
詩拙不似斯圖奇
多君自是神明後
文獻風流知在茲

倪文僖集卷三

七

題竹林圖

往年京城少修竹
好事移植今頗多
我屋庭前四五箇
鮮飈披拂青婆娑
娑愛此渾如水蒼玉
坐對清標良不俗
倚闌吟賞趣無窮
洗盡胸襟塵萬斛
紫芝山人人品高
風雨落葉聲蕭蕭
渭川千畝籜龍骨
并刀剪入蛟人綃
初疑帝子雲中下
葆蓋霓旌翠堪把
復疑流水激雲根
中隱徂徠逸游者
山人山人爾多才
令我一見心眼開
此境人間在何處
便欲躡屐凌蒼苔
洞簫石上吹一曲
月明定引鸞鳳來
君不見蕭郎慣貌湘浦秋
後來獨步文湖州
近代商集賢更數柯
丹邱意匠經營幹
天巧卻美妙墨追前修
太史知從何處得
掛向虛堂淨如拭

須買地費栽培植置身常在篔簹側竹兮竹兮歲晚節愈
堅先生之德亦復然武公化去已千載爲爾重歌淇澳
篇嗚呼爲爾重歌淇澳篇

山水畫爲祝給事題

連峯起伏如蟠龍幽壑下浸馮夷宮溪深水遠足魚鼈
時有孤舟垂釣翁人家幾簇依林薄共食溪鮮有真樂
黃鳥啼殘碧樹枝白雲鎖斷青山腳籛鏗之孫寫作圖
筆法不讓方方壺當時清隱宛在目萬朵芙蓉浮太湖
我亦有居環水竹西風吹老千竿玉披圖日夜憶江南
夢繞溪頭舊茅屋

題渝川鄒貴彝墨竹

倪文僖集卷二

八

渝川鄒君貴彝購得墨君一幅筆勢精巧甚有生意
蓋古蹟也君寶愛之示予索題其端予素愛竹而未
得種竹之法移輒不活因觀是圖不覺起予之歆羨
也遂賦此以歸之

平生愛竹漸成癖幽叢每欲從人移當軒一本頗失養
隔歲頓令枝葉萎長鏡斲去良可惜月夕風晨秋寂寂
鄒君過我出此圖爽氣飄飄生兩腋渭川淇澳千萬竿
瀟湘兩岸煙水寒天生勝境不能往咫尺盡向毫端看
老榦新梢生意足籛龍怒角抽寒玉彷彿風雷起平麓
只恐高飛穿我屋看罷殷勤捲付君持歸遠到清江濱
高堂素壁時掛此何須別種篔簹雲君不聞此君一日

不可無栽培灌溉胡爲乎不如似君寫數挺舉杯吟對
聊相娛受暑不受露請漸登幽且菊墨華盡帶棘半相
先生之卷不盈尺中有萬里江山圖展圖心目頓開豁
一葉况見煙波徒嗟我平生好遊覽夢魂長夜飛江湖
微官羈絆不能往悵望漢廣峨眉孤畫工毫素得真趣
簸蕩海若并天吳三峽濤痕繞白帝九疑翠色連蒼梧
安得乘風破巨浪飽帆瞬息追奔鳥宜君得此重愛惜
青黎夜光驚僕奴珍藏什襲豈無意甯止供玩資吟娛
問津非欲近星渚梯雲應擬游清都詩成莫動海天想
且對西山傾百壺風亭

倪文僖集卷三

九

且惟題成侍御清風亭歌

侍御成澹菴善爲寫竹真嘗築亭於故山小金峯下
滄浪池上效雲林子友石生篆籀法作萬竹於亭壁
入其中爽然若清風之襲人也字其亭爲清風而屬
子賦之狀天吳三海樹京譚白帝

雲林之子骨已塵九龍山人亦復往今日滄浪有澹仙
篆籀獨追秦漢上結亭正傍小金峯素壁虛白四面空
醉揮玉帚掃萬玉煙梢葉葉含清風清風脩脩石牀冷
夢入壺天吹不醒興來吟斷碧池秋身上蕭湘水雲境
紅塵不受暑不侵籀龍滿壑幽且深墨華盡帶科斗跡
翠袖疑傳環珮音亭中有書兼有畫牙籤如鱗插高架

業成射策謁九重一日四海聞聲價鐵冠執法寶殿東
衣繡更騎青海驄霜臺默坐對古柏歲寒標格將無同
澹仙爲我同年友十載論交託詩酒我欲從之訪此君
因風問訊平安否數峯半嶺蒼蒼猶香雲法苑新翠沃
未題山水畫問百平野有高山只今竹樹對太古
蓬島煙消翠光濕巨鰲不動蛟龍蟄壺天地暖自長春
瑤草琪花俯堪拾重樓信是仙者居十二玉闌臨碧虛
吹笙時下子晉鶴命駕或上琴高魚瑤池宴罷剛風起
歸馭飈車凌弱水一羽飄飄瞬息間飛度洪流三萬里
塵氛溷溷非我徒借鵬正欲尋麻姑手掀星斗遡寥廓
何用坐守燒丹爐

倪文僖集卷三

十

修竹士女

芳閨倦繡清晝長小園踏碎苔花香鳴璫閒過碧筠塢
驚起玉枝雙鳳凰雲鬟半髻嬌無力含顰似怯金蓮窄
欲將瑤瑟弔湘靈翠袖生寒彈不得幾回脉脉立斜曛
林下仙風吹茜裙應恨韶華若流水歲寒青青輸此君
何太守雲山圖爲江侍讀賦

米丞墨妙非等閒百年復有高房山只今竹鶴何太守
意營慘淡能追攀連峯半露蒼龍脊雲起溟濛翠光濕
小橋流水綠通村野艇無人閒傍石清溪萬頃淨不波
溪上茅屋空煙蘿岩穴誰云遺逸多惟有叢桂山之阿
嗟我平生偏愛畫敗素毫縑不論價近得四幅旋失之

卻嘆通神皆羽化玉堂老仙之愛與我同朝回對此心神融便欲因君買束絹爲乞援毫圖華嵩

萬里江山圖爲浦友謙賦

乾坤渾沌始二氣相蕩摩盤古未首出浩渺知如何一從高下奠清濁山岳峙立流江河至今山作濛沙勢水載厚地無停波百川萬折競趨海連峯迤邐堆青螺嗟我閒情本好遊一官束縛如繭窠天生好景在人世未得放棹窮經過老彭翛翛江海客胸蟠造化誰能識醉握毛錐寫作圖萬里分明歸咫尺風雨溟濛元氣俱林藹陰森鬼神泣令我披圖思爽然恍若掀篷倚赤壁高者何爲如削玉峨眉熊耳通巴蜀低者何爲如伏象澗

倪文僖集卷三

十一

頽瞿塘雪濤漲遠如羣龍飛上天近如萬馬奔飲泉深壑幽沉積蒼翠淺渚洄洑涵清漣巫峯十二淨可摘瑤簪散擲夔門邊漢皋春晚客遺珮湘浦曉涼人刺船山長水遠望不極滿目但見浮嵐煙錫山浦君最瀟灑不愛黃金偏愛畫得此何殊席上珍白璧明珠喜盈把君不見平生李謫仙千載馬子長足跡所到皆文章芳名不逐草木腐直與山水爭輝光甯知此興亦不淺撫卷爲君歌慨慷還君之畫停我筆呼童捉酒澆詩腸

陳貞女詩

未嫁夫亡自縊而死

陳家有女年正芳修容毓秀居蘭房詩書女誠過目誦保抱諸弟淑且良父母生平最鍾愛明珠在掌門楣光

一朝許爲舒氏婦夫婿賢美年相當通名納采幣行久
及時待叶于飛祥宦遊浙上甫堪羨客死淮陰殊可傷
蓬山願結連理樹丹穴竟作孤栖鳳含悲扼吭氣頓絕
從一以歿禮所防寸心貞烈貫金石萬古大義扶綱常
玉環擊斷痛莫續寶劍悞分終共藏始知至性本天賦
况乃茂族由冠裳英靈颯爽身不朽鎮重富媪摩穹蒼
事君携貳反不逮泯滅何異露與霜更生有傳我欲繼
作詩聊爲先揄揚

其意大

題李瓊司訓先生廬山圖二十二韻

京庠司教萬載李先生清雅博物士也嘗得顏夏官
廬山圖一幅甚寶愛之間索予題其上廬爲古之數

倪文僖集卷三

七

淺原也自崑崙分支南爲衡岳東南爲五嶺東北爲
廬山其景最奇絕古之幽人逸士往往遯跡其間予
每慕之而未嘗親歷其地有愧於子長者多矣披閱
之餘賦此以塞其意云

我聞匡廬鎮南服云是禹貢敷淺原崑崙支脈遠分析
衡岳五嶺遙相連大江西來浪翻屋萬古屹立洪濤前
層巒疊嶂數千仞五老香爐凝翠煙金輪紫霄蕩白日
鶴鳴雙劍摩蒼天冰簾一片瀉空澗元氣噴薄銀河懸
昭明舊隱在何處中有古寺名開先漱玉之亭最奇勝
飛瀑正注神龍淵棲賢谷西白鹿洞李渤讀書今幾年
濯纓枕流雙螭竦突兀其跨清波眠陶潛醉石互長綰

遠公東林開白蓮平生慨想不一到夢繞落星湖水邊
五羊顏君南海客胸中邱壑誰能先興來潑墨寫此景
妙奪造化天無權青山蜿蜒欲飛去滿壑浮雲紛擘綿
澄江浩浩渺無際但見萬里乘風船漁村樵徑徧林麓
有路宛達諸峯巔披圖可望不可卽似隔弱水觀蓬元
先生鑿別稱儼然寶惜不啻瓊瑤鑄高堂素壁時掛此
頓使襟懷塵慮蠲朝來索我賦長句愧乏大筆揮如椽
何當把酒呼李白共和六一山高篇

星細題畫海東青歌

蘇軾詩

有鳥橫絕來海東白日片雲飄天風決雲萬里過榆塞
歛翮誤投魚網中三韓五島渺何許此地胡爲遭繼籠

倪文僖集卷三

三

將軍得之不敢畜愛護獻入明光宮神姿矯矯託縑素
特立似與銀瓶同劍鋒新淬勁翎整玉花細縷奇毛豐
星眸瓊吻水晶距英氣滿鞞真俊雄常思雙鵝上霄漢
肯爭腐鼠趨蒿蓬聖明端拱罷遊獵雖有長技誰能窮
何當爲爾解條鏡看擊凡禽摩碧空

海東青鷗屬鳥之鷺者中國所不產出遼海之北東
海之西乞列迷之地夷人往往以之入貢武定侯郭
公鎮宣府時軍校有舉網得之者公乃獻之於朝而
命工畫者圖肖其狀其子聰請題於予故爲賦短歌
如右云

題李白應召圖

倪文僖公集卷之四 夷人朝圖忠愍誓祭古德

始設盡誠心營依壘東風來一明倪謙吳撰三六

古詩七言中奮新風賦天長吳公交龍煎水同興

關應制甯戚扣角圖歌景泰三年閏九月十三日水滸

齊桓有國東海頭賢聲藉藉聞諸侯會盟敵血霸中土

能以大義尊宗周當時左右賴良弼弓旌不惜頻招求

君門萬里孰能達猶有隱淪甘飯牛甯生驅車卧牛下

夜扣牛角商聲謳南山白石發高興坐歎堯舜逢無由

短衣至胥老貧賤壯志功名行且休公聞歌聲加敬禮

知乃異士非常流一朝振拔置相位甯盱與之圖治謀

功光賜履保民社麟筆曾經宣聖修攘夷匡世豈不美

惜假仁義無宏猷何如聖朝建皇極鈞渭耕莘俱見收

羣賢致主邁三五甯有着峻居林陬賡歌響答在庭陛

永固皇圖千萬秋

三顧圖

炎精燭餘耀赫赫樓桑村甯知大耳兒乃是隆準孫東

都九鼎忽傾側羣雄盼睐孰敢捫當塗朶頤獨凶悖劫

遷入許將豪吞將軍仗鉞正宸極飛羽桓桓萬人敵間

關荆楚功不建拊髀幾回增嘆息一朝冰鑑稱卧龍三

顧枉駕來隆中奮髯躍起翊天步契分交驩魚水同興

復遑遑竭心脊赤壁東風飛一炬遂令鼎足地三分立

國西南拓疆宇出師表入陣圖忠烈智略古所無渭南

倪文僖公集卷四

乃逢狼顧徒兩敵相遇非天乎英聲義氣垂千古仰見
遺容膺獨拊王佐堪追伊呂儔若論管蕭安足數

山水畫

碧山在水江無波小舟一葉如飛梭山光壓舟載不起
滿目排空橫翠蛾中林可是楊雄宅路指巖阿放舟入
問字須教酒剩携誰識先生元尙白苔封蘚蝕一徑微
緣蘿古樹環荆扉陰嵐漠漠每入戶空翠濛濛常濕衣
夜來一雨經林莽添得江聲滿前浦開門萬壑總浮雲
吞卻山根猶未吐幽隣雅好能無同一簇人家居瀨東
危橋策杖從小童來往性應柔苕翁嗟哉卧龍航隱約
何似爲霖徧寥廓君不見伊尹當年耕有莘三聘幡然

倪文僖集卷四

二

起邱壑

題松鶴圖

高堂屏障開見此古君子昂然塵外姿何日傳畫史蒼
苔緩步雙足高楚楚臨風梳羽毛引吭清唳向寥廓聲
振林木驚寒舉千年頂上丹砂重素翩翩躑欲飛動青
田路遠可思歸赤壁江空會入夢骨清本是絕粒仙棲
息合居雲水邊半溪新漲瀉寒玉一樹古松搖翠煙寫
真舊數薛少保此筆人間亦應少子晉瑤笙杳不逢雙
雙影落緱山曉披圖愛爾非凡禽萬里常存瀛海心人
寰一夜忽超越碧漢徒傳空外音

萬壑蒼煙卷爲鄒允達賦

金陵鳳凰臺之西有勝地焉鄒君允達先塋之所闕也塋之外嘗闢別墅以當山水之會有古松數萬株望之鬱然相繆若蛟龍蜿蜒擎雲攫石交錯爭奮入其中翠濤滿耳蒼雪灑衣林霏澗靄爽人心目不知塵氛之侵暑氣之及而身之在人世間也允達樂之恆避喧藏修其間聞秋官郎中周公善繪事乃請爲髣叟寫真既成因命之曰萬壑蒼煙要予賦之久之未有以復也今春會試來京謂予曰此圖必得子詩與之爭蒼古可也予媿其意勉爲一歌書以爲先容若予者豈能發後凋之奇然允達英邁有氣節磊落不羣觀其志足以知其人矣歌曰

倪文僖集卷四

三

君不見泰山之巔蟠老龍高蓋偃蹇排寒冬參天自是隔風雨胡乃坐累秦人封又不見匡廬之崖霜雪盛馬鬣塵尾枝交映已從方士資養生更向桑門作談柄何如鳳臺之西千萬栽一一長身封綠苔貞姿高潔負奇氣礫礫總是明堂才乍疑森森劔佩羽林客怒髮衝冠鐵衣澁又疑翩翩雲罕紛前驅翠葆碧幢攢列戟大株小株鱗甲堅正直豈畏藤蘿纏露滋雨洗淨如沐但見萬壑搖蒼煙道鄉之孫我之友愛隱松關與松偶城市紅塵沒馬深誰解尋盟歲寒叟秋官放筆寫作圖墨華滿紙煙模糊經雷蛻骨縮人瘦拔地怪柯編虎鬚披圖浩歌對君酌青雲絕勝蒼煙壑上苑霏微煙更多來遊

好控巢松鶴蒼苔戲網吳巖對開誰琴宜薄水雲對

山山水畫爲李考功題題辭小亭古澗寒山是掛戲

倚天壁立青芙蓉蜿蜒起伏如游龍夜來驚雷挾飛雨

化作白雲千萬重白雲如波起平地樓臺不辯金銀氣

但見蒼蒼玉女峯離立分明露羣髻山深寂歷天欲秋

重重綠樹臨溪流無人復歌小山隱惟有桂樹枝相繆

披圖似是房山筆元氣淋漓墨華濕并刀翦取滄溟波

方丈蓬壺歸咫尺天宮李卿家上饒早謝舊隱登清朝

看山莫憶釣遊處且作夔龍匡舜堯吳育巖題華岳詩

世人題母子虎圖爲許寬序班賦吳又王意恆華岳詩

南山蒼蔚何蒼蒼深叢巢穴虎所藏負嵎長嘯百獸恐

時取黃犢充饑腸雌雄乳孫并哺子引向林閒聊戲耳

世人只謂勢生獍寤識馴然有如此良工意到筆法精

長縑掃出於菟形松根激石怒濤捲疑有獵獵雄風生

我愛此圖深有補猛惡猶知依父母何事人間梟獍徒

面目雖人不如虎吳景嵩題華岳詩

重重溪山琴意圖無人處海小山嶽對音卦斷對時題

我生素有煙霞癖玩水窮山記疇昔一從爲宦步青雲

聞卻登山雙短屐忽驚尺幅墮我前噴吭翠帙浮嵐煙

清溪雨過碧波漲石罅瀉瀉皆流泉濃綠陰森擁高樹

樹杪晴雲如擘絮誰向磯頭結小亭占斷溪山最佳趣

亭中有客藉紫苔抱膝長嘯襟懷開瑤琴宜歌水雲操

已見蒼頭携到來轉軫何當彈一曲坐想餘音振空谷
遊魚出聽鶴鳴皋雲根細和冷冷玉幽人適興山水間
白雲靜與人俱閑溪居疑隔鷺鷥渚殘照滿崖猶未還
慚子謬應寶輿舉竊祿無能報明主看畫悠然憶釣遊
思繞江鄉舊衡宇

雪擁藍關圖

西方有佛名浮屠形神寂滅久已殂何年委此趾與願
流傳震旦惟其徒唐宗信重如璉瑚遙自鳳翔迎至都
韓公抗疏懇伏蒲願投水火斥其誣忤旨謫逐瘴海隅
迢迢遠道勞馳驅于時嚴冬雪載塗藍關秦嶺雲模糊
老成有子字清夫冒寒慰勞驚相呼作詩示意嗟可吁

倪文僖集卷四

五

衰朽之骨其收吾一身不惜萬里徂人心復正賴公扶
會聞頃刻金花敷詩聯湧出此則符湘乎仙乎知有無
至今畫史寫作圖

滄浪弄笛圖

江楓翻緋松葉青江水湛碧迷煙汀隔江好山開翠屏
閒漁罷釣舟爲停舡頭晏坐景清絕手把湘皋紫筠節
老龍吟秋吹一闋響遏行雲山石裂天吳驚起風捲波
紛紛亂落梅花多安得桓野王岸上來相過便呼拍浪
兒獨速舞短蓑相與三弄滄浪歌

商山四皓圖

商山鬱嵯峨中有三秀芝四皓此避秦採擷充其饑清

泉白石鏡幽曠長日消盡松陰暮羸網高張正流毒冥
鳴矯翼安能羈一朝軼道口銜壁萬方耿耿炎精赤據
牀媢罵溺儒冠巖穴深藏甘斂跡誰知衽席間以愛迷
至公國本將遂移母后計亦窮偉哉留侯建奇策禮幣
直走商山中翩翩乃偕來願爲太子死赤帝見之驚公
胡至于此把酒相看着意慘悽黃鵠歌殘泪如水一出重
九鼎漢業安如山拂衣不受萬鍾祿爲樂孰似商山間
高風杳邈仰圖畫名與茲山同不刊鑿斷惡來致商
野濼金人五馬擊毬圖長隨效拳黜惡馬車銀瓶駭
長白山高連海東混同江深盤黑龍金源立國素疆獷
拜天射柳毬場中毬場如鏡灑油築不使砂礫碍馬足

倪文僖集卷四

六

何處飛來兩三騎窄袖輕衫緊絛束錦鞵玉勒黃金羈
相攢都來二十蹄毬星一點下還上杖月半彎高復低
毬驚杖奮隨手脫臂轉身翻競拏攪過馬渾疑飛彈侵
睡龍可信明珠落奔騰便捷勇莫當縱獵忽來遼海傍
揮鞭一舉指燕代南瞻赤焰無精光百年世事如流水
古蔡城西歎多壘竹屋淒風吹斷煙千載幽蘭抱香死
當年意氣掃地無乃知恃力非良圖披圖懷古增慷慨
端拱修攘真遠謨母言指衣冠嶽若雷翁戲會象斷
觀奕爛柯圖夫將靈甘煖秘語快拆氣問心受
野樵撥雲來翠微深林曲磴探幽息肩暫憩古崖側
忽遇兩鬢閒奕棋佇立相看未終局斧柯已爛何其速

自是壺天日月長，卻驚世上流年促。
吳廷暉山水爲陳秋官題中
扶桑冉冉金烏飛，翠連萬朵迎朝暉。
瓊雲捲絮互吞吐，玉女峯頭應晒衣。
山深似是蓬萊島，弱水無波自環繞。
五粒松枝千歲桃，中有仙人拾瑤草。
流泉百尺垂晴虹，高閣下矚馮夷宮。
幽亭隔渚對深院，赤闌遠見危橋通。
眼前佳景看不足，更愛漁舟兩相逐。
安得投閒弄水雲，來侶魚蝦友麋鹿。

題塞上牧馬圖

龍河四月春始回，胡雛縱牧沙場隈。
坡陀草軟茁新綠，騰驤風逸皆龍媒。
羣胡團藉鞍靴渾酪分，營紅入面
四弦彈出塞外聲，醉起踟躕舞胡旋。
聖皇恩露覃胡天，宴樂休養能生全。
只今銜尾盡入貢，日見赤墀千萬牽。

題竹石山鳥

楚江暮雨迷蒼梧，淋漓綠玉煙模糊。
巢深何處宿鸞鳳，聲斷不聞啼鷓鴣。
一竿濕重欹疎翠，山骨巉岩露鼇背。
孤倉特立此棲身，何異幽人獨沉晦。
昂頭緘唳常忍饑，羽毛應待朝陽晞。
明看旭日放新霽，一任長空萬里飛。

緇謳三疊

鎮朔將軍總兵官，武強伯楊公將略兵威深。
仁厚德足以服北敵，而惠邊人忽爾中道傾。
逝哀慕何極，靈輻載道返葬京師，乃作緇謳三疊，俾執綽者歌之。

燕然燕然高插天上摩日月含雲煙屹如砥柱鎮北鄙
強敵睥睨不敢前具瞻方爲人倚賴一旦傾頽嗟變遷
嗚呼一謳兮謳聲切霜雪入樹皆僵折良人恨何由
洋河洋河水潺潺銀漢下注來人間潤滋邊地足生植
循山激石波回環洪深正資人飲漱奔流入海何由還
嗚呼三謳兮謳益槍狝狐百萬精神喪不齊瀟瀟四野
止谷上谷連朔漠成樓清切鳴鼓角英威遠振邊塵空
天驕聞風盡膽落皇天不弔心孔哀將星夜殞何蕭索
嗚呼三謳兮謳已終重城萬里來悲風

東風朱繡衣母陳孺人壽詩二十四韻

倪文僖集卷四

八

東風二月春無涯堂背競開萱草花倚門喜聽噪簷鶻
忽報遠道兒還家遠道兒還自何所玉關紫塞迎風沙
兒從前年持憲節邊城遍歷臨荒遐嚴霜凜凜拂繡笳
攬轡膽落青驄駟幽障雲收絕烽火深戍日落鳴寒笳
威宣德洽境甯謐馬肥豐草兵無譁豈不懷歸養阿母
載驅四牡歌皇華流光在苒歲兩閱細數歸期忻及瓜
昨來受代整朝佩銀河水暖回仙槎龍樓入覲五雲曉
天顏有喜承褒嘉下堂阿母重迎勞問兒久別時何賒
誰知設帳正初度母子權聚人爭誇況樹高門表貞節
命服煌煌榮翟珈童顏紅暈體康健綠鬢未改如堆鴉
壽筵宏敞雜尊俎蓂蓂畫鼓聞頻搗繡衣新換綵衣舞

香雲萬萬籠烏紗新婦將孫拜堂上桂枝挺秀蘭抽牙
幕開黃雀白堪饌冰泮白魚還可又才聞王母致碧藕
又見小玉供胡麻更看伯婆年八十一門雙節無纖瑕
晚膺祿養享厚福人生至樂誰能加我觀南極吐光耀
賦罷南陔空歎嗟何由升堂祝母壽玉杯春酒傾流霞

日高周秋官山水畫爲李員外題

江村杳靄路不分野人作伴鹿與麕五月六月雨三日
千山萬山皆白雲平堤漫漫江水綠翠樹重重覆蘿屋
苔封石徑絕行蹤持鏡何處尋黃獨模糊潑墨掃煙鬢
前代畫手稱房山郎官意匠得其趣嵐光不散迷孱顏
多君生長山水窟到山愛山常拄笏甯知皓首出榆關

倪文僖集卷四

九

坐對燕然惟咄咄天台雁蕩浙水東夜夜家山鄉夢濃
有待拂衣歸舊隱與君林下會相逢
煙竹爲鄒侍郎賦

美人遙隔瀟湘渚一望琅玕翠如許欲往從之路阻長
兩岸冥冥足煙雨雨餘滿林秋氣清綠煙常向滄江橫
日高不辨鷓鴣影風細時聞鸞鳳聲萬竿玉立何瀟灑
誰把霜毫爲君寫遠水平吞青草湖寒雲迥接蒼梧野
老仙公退居南宮愛此香皋冰雪叢莫嫌歲晚鎮相對
爲與此君標格同

夏景詩意畫爲于景瞻題

前府軍于君景瞻謫居上谷予亦繼往卜隣幾四載

矣今春同荷恩釋南歸故鄉出陳興祖所畫唐高駉
山亭夏日詩意索題予閱之宛然湖山甲第故家景
物乃若煩興祖先爲之者而君得之良不偶也君之
歸水光山色朝登夕眺固已飽餐有不待觀斯畫而
興意自足但欲就君軒楹之末平分半榻招黃鶴而
邀飛仙歌遠遊之篇舉流霞之觴一洗千古塵土胸
臆不知肯著老夫否因詩以訊之
柳花飛盡春歸後翠幄重重嘉樹茂日長庭院梅雨過
滿地濃陰閒白晝參差池館倚碧空臺榭半臨湖水中
曲欄飛棟落晴影分明倒浸馮夷宮誰言綠暗紅芳歇
一架薔薇染猩血棕櫚葉戰起薰風萬斛沉檀座中蒸
珠簾掛在珊瑚鉤暑氣不侵樓上頭嫩涼細細透白苧
天吳供與人間秋衝煙白鳥飛頻到躍渚鱗俯堪釣
抱琴逸士許登臨倚檻幽人從笑傲荆關妙手真絕奇
毫端寫出無聲詩清澹傑構照雙眼佳境似倩夸娥移
深深門迳紅塵隔此地甯容車馬客剡水間居賀監家
朝川別墅王維宅君辭舊隱西湖濱幾載看家憑四隣
只今歸去手親理聖恩已許爲閒人踏花旋掃湖邊路
霧閣雲窗總如故嘯歌聲落雲水鄉水伯山靈亦驚顧
蹇子自斥青瑣班與君住對燕然山枯魚縱壑馬脫羈
放舟同向江南還何時訪君帆獨掛來賞湖山避炎夏
置身俱在圖畫間奚用重看古人畫

讀賦題赤壁圖爲錢景和賦

坡仙豪氣隘八荒馬羈天脫神龍驤思如百川赴東海
嬉笑怒罵皆文章天門萋菲多鬼蜮放浪遠投雲水鄉
江山如此良不惡況有赤壁臨滄浪天存此景似相待
新秋灑氣傳清商老仙載酒赤壁下煙波萬頃一葦航
是時東山月始出浩歌棹雪迎流光清風徐來水波靜
毛骨颯爽生微涼憑虛浩浩不知止空明坐擊凌蒼茫
水天一色粲星斗恍若有路通銀潢座中何人吹紫玉
嗚嗚怨泣孤舟孀倚歌相和豁襟抱拊景慷慨悲興亡
山川千古留霸跡東望夏口西武昌昔當曹瞞順流下
舳艫千里旌旗揚臨江釀酒氣何壯傲睨已滅孫吳疆

倪文僖集卷四

十一

東風一炬悉灰燼廟算豈料輸周郎只今英雄果何在
惟剩山色摩青蒼寓形宇內海一粟日月苦短江流長
遊挾飛仙不可得有酒且共澆詩腸江風山月不須買
匏尊相屬樂未央洗盞更酌醒復醉枕疊頽臥夫何妨
後此時維冬十月重繼斯遊從雪堂仙魂化去邈千載
獨遺二賦鏗琳琅我會奉使向荆楚扁舟載月經蕪黃
醉呼坡仙酌赤壁招魂擬欲憑巫陽橫江尙見舊孤鶴
掠舟西去蹕元裳媿無詞賦續高興夢想風流今幾霜
良王意匠有深趣筆妙不讓顧長康平生于公想與慕
愛貌此景歸毫芒一朝眼底且驚見彷彿坐我尊俎傍
始知人生貴適意何用屑屑嗟行藏

雙松圖爲陳叔謙賦

幾年遊宦紅塵陌處處垂楊蔭華宅東風吹春入綺園
名花旖旎饒顏色東家錦幄籠牡丹西家紅藥圍雕闌
髯松偃蹇挺孤秀詩人移植庭前看陳生好事者家有
琴月樓繞樓不種閒草木從人貌得雙蒼蚪彈琴玩月
有真趣歲寒對此情夷猶披圖一見之如向徂徠野天
風颯颯毛骨寒恍訝奔濤座中瀉卻嗟舉世愛妍華得
似陳生憐醜醜抽毫爲生賦思與神俱清何當登生樓
試鼓三尺冰洗我平生塵土夢才蕭聽作松風聲

孤風吟

呂氏爲趙氏婦四歲喪其夫方當盛年能守志不易

倪文僖集卷四

十一

以養其姑育其子趙氏賴以不墜其節堅其孝篤誠
世所鮮及者矣朝廷旣旌其門君子又多爲文章以
美之呂氏之志足以白于天下矣故予爲作孤風吟
以述其志云

鳳凰巢丹穴雙飛復雙棲生雛甫三歲鳳去竟不歸孤
鳳失偶鳴聲悲欲隨鳳死念雛饑况鳳遺老母風雨巢
傾危葺巢養哺母與雛誓言不逐他鳳飛母健喜有託
雛成毛羽奇海水可竭山可移孤鳳之志終不虧百鳥
慕節孝上達天帝知天帝旌其巢千古萬古聲名垂

送徐泰士亭知羅田

我帆纔向清源落君舟亦來閩河泊客邊相見喜無涯

倪文僖公集卷五

張氏草書開卷紙張薰風回首

古詩七言

題張中書子俊畫孤舟讀書圖爲吳宗起賦

昨夜滄江雨初歇兩岸山屏翠烟疊江空浦極悄無人
但見小舟橫一葉舟人所適非取魚危坐船頭惟讀書
音聲朗朗出金石馮夷起舞鼉鼉趨蘭橈不舉隨流去
渚北汀南無定處只知兀兀了殘編不覺亭亭倚高樹
知君自是隱者流孤篷短棹輕王侯經年對語手中卷
鎮日忘機沙上鷗澹古先生青瑣客揮毫日爆金門直
忽看高興落江湖却向烟波寫眞逸王摩詰張志和畫

倪文僖集卷五

意詩情相蕩摩樵青篷底喚不醒西塞山前春雨多

真口上國觀光歌爲沈侯官司倉用賓賦

能畫

金門直

袖有五色筆囊有萬言策筆可補造化策可干明辟纔
聞臯朔詣公車又見嚴徐向都邑奮志遙從上國遊扶
搖九萬搏修翼日月明三殿虎豹守九關玉帛會諸侯
梯航來百蠻金張甲第互紫陌夔龍禮樂嚴清班光華
眼底觀不盡致身已在青雲間不慕縮金章不羨乘丹
轂自分草莽臣但足升斗祿東葛方容就督郵南閩復
許煩搜粟清曉君門開謁帝趨明光天仗建羽旄簫韶
儀鳳皇玉階稽顙荷恩出海嶠行覽三山蒼攜壺送子
都門道晴日輝輝照芳草酒闌征旆逐薰風回首蓬萊

五雲曉

簡道人獻世皇會出靈醮醮靈臺主登山閣中

遊是風雨歸莊圖爲錢景和賦

陰雲蔽空如墨堆長風入林聲撼雷木葉驚飛水波湧
忽送一天山雨來山翁行行在中路急歸遠向溪橋度
破傘高擎稚子扶杖瘦泥深不能步到家入門呼老妻
快燒榾柮烘我衣

自雪後山行圖爲前人賦

深山雪後巖壑空槎牙古木號巖風長溪流漸凍欲合

野徑時有行人通青驛裝重征途白三子懷冰凜寒色

鄉園何處渺羈愁歲晚天涯猶作客前村有酒不惜錢

冷氣直透三重綿

倪文僖集卷五

二

湖口石鍾山爲庫部王郎中恕賦

彭蠡之口兩石鍾上下壁立金芙蓉何年鼓鑄出爐冶
造化融結當鴻濛山靈昔聞詠眞宰帝令疏鑿驅鬼工
雕鏤險陋向山麓空洞穴隙紛玲瓏鳴聲底用事撞擊
自有巨浪乘長風何殊張樂洞庭野大音迭奏聞金鑪
五老分明俯垂聽鏗錡撼蕩馮夷宮爾來世歷千萬古
至今追蠡懸高空坡仙當年適臨汝沿洞南去路自通
平生好事此足見放棹特過湖水東月明夜抵絕壁下
怪石正與風濤衝噌吰鏗鞳互響應寓目始得窮奇蹤
此景居民久應識口不能道嗟漁翁詩成援筆歎且笑
漢人語簡唐人庸我皇會此戮鯨鱷攀崖上登山閣中

龍香落紙灑宸翰滄江夜光如虹憶昔皇華使荆楚
柰子玉事方匆匆天生佳景不一到悵望思逐南飛鴻
王君舊隱此游衍要我作詩抒素胷不知夙願可償否
汎月來遊追長公公詩詩愈丑而天早與每憂丑或賦
古來五龍圖爲胡監丞題胡來與公高堂懸此畫
我曾讀易披韋編乾龍飛躍當天淵神物變化不可測
千古惟聞爻象傳忽驚波濤捲虛壁眞見羣龍紛紛纏
分明五色照雙眼崢嶸頭角爭蜿蜒鬚鬣張紫戟豎
睛瞳閃爍金鉦懸前拏後攫爪牙露左卷右舒鱗甲堅
居中天矯更雄健簸弄明月曬珠貝翻身怒擊海水黑
噓氣暝結陰雲元揮霍疑驅鬼神會淋漓訝與河潢連

倪文僖集卷五

三

乘潮欲掣鉅鼇足鼓浪正湧飢蛟涎鯨鯢喪膽深窺伏
鯤鵬矯翼遙騰騫陽侯馮夷駭且怖一吸愁將空百川
望中慘淡白日晦淒風颯颯來狂顛恍惚長空灑飛雨
霹靂破山揮電鞭噫嘻好手豈易得經營筆底何精專
奇形異狀恣揮寫直與造化工相宣想當盤礴何處見
禹門西上春風前僧繇已矣所翁死絕藝信足追前賢
古來好龍惟葉公君今志尙亦復然高堂懸此靜相對
坐覺窗戶生雲烟嗟哉粒食民所天早嘆每憂民瘠捐
便當叱起作霖去四海常令歌有年不賦風飄雨灑

素子母子虎圖爲前人題是不一匹對空思致前賦

昔年曾侍朝元殿虎豹守關龍馭輦鳳皇在藪麟在郊

濟濟四靈俱入獻聖皇端拱垂衣裳大韶擊拊諧宮商
至和感召及羣物鳳儀獸舞爭趨蹌就中於菟引三子
炳炳文章安其尾馴然拜跪伏闌圈天子見之心亦喜
一從宦輟走西東幾年不復見汝容良工筆態巧爲此
將汝置之圖畫中目光射人威百步意氣揚揚甚虓武
一聲長嘯巖壑間疑有淒風振林莽舉頭高爲城掉尾
長爲旌生猶雖可畏猶識子母情一兒顧其母一兒跳
且舞一兒當母前相向得其所怡怡不見怒與嗔但覺
啼乳恆相親磨牙吞噓向百獸乃能骨肉全天眞君不
見魏家良將初授鉞子肉遺之甘飽噉又不見廣武城
頭翁就烹一杯欲索分其羹何事人心忍爲此爭如物

倪文僖集卷五

四

性仁恩明更憶宏農施化禮爛斑渡河還負子胡爲倉
卒棄吾兒天豈無知天不界人言虎猛我言虎良母慈
子孝藹乎一堂會參之養閔子孝對此爲君歌慨慷不

且張廷端畫楚水推篷墨竹爲鄭簿賢題

長竿半入空短竿如臥龍張氏之子筆意工題作楚水
推烟篷篷窗所見僅如許外此自力焉能窮想當倚棹
湘江渚密葉翛翛翠含雨中有鈎輞鷓鴣語隔岸何人
吹紫簫彩鳳迎風欲飛舉鄭虔之清如此君歲寒高節
夔出羣并刀入手爲持贈截取湘臯半畝雲

全味學士杯歌

齊冬官陳進之雅好客子嘗訪之於官舍留子飲出一

金盞觴余形如珮環甚巨曰此盞子新制未有名也
今得先生至而始試之其遂名曰學士盃進之不善
飲而好勸客連飲予數盃酒酣強予作學士盃歌因
援筆以答其意歸與親朋觴酌間舉此杯歌此詩亦
醉鄉之一樂也

精金百鍊方在鎔煖光爍爍飛晴虹一泓傾瀉紫液凍
鑪錘妙手資良工員不從規方不矩形若珮環深幾許
麴生歡伯每相投却付尊罍爲伴侶冬曹陳君真好奇
製此絕勝金屈卮我來擊出便斟酌云是新成會未持
謂余玉堂仙素有江湖量錦袍濕淋漓會醉宮壺釀此
人正與此杯宜滿勸頻斟不容讓乃錫以嘉號名曰學
士杯杯惜以子辱子亦因杯頽何如喚起謫仙李一飲
一石襟懷開今君棹酒船歸向三江口高陽有舊徒總
是文章友舉杯吸盡囊中春吐出新詩千百首

淮之水輓山陽友義畢居士

淮之水去悠悠公逝矣不我留乘雲至帝鄉上挾飛仙
遊俯視下土方孰軫蒼生憂萬金不惜濟窮匱古亦罕
見今無儔淮之水波混混入人深公之德身榮章服維
民則子登甲科務學殖天之報施甯有極淮之水流無
已公之名垂後世高風杳邈徒仰止嗚呼九原安得起
一爲哀歌歌義士

爲易太守題日本僧所作田廬圖

在昔尋仙聞祖龍欲度弱水求瀛蓬徐生樓船載男女
滄溟遠汎將焉窮海洲駐節不復返至今有國扶桑東
君民舉國奉夷狄詩書亦沾鄒魯風一人在御重柔遠
梯航萬里車書通來賓重譯貢方物授館致餼恩優隆
使臣筆底曉詞翰丹青繪事兼能工始知文化洽殊俗
意匠彷彿荆關踪禮曹郎官青瑣客溪藤數幅陳南宮
召之放筆恣揮灑風景寫出江南同野橋百尺跨溪水
旗亭一簇依林叢長途策蹇過行旅隔岸騎牛來牧童
居民比屋事耕稼郊原禾黍方芄芄豈其經行寫所見
家山想是勞形容郎官出守分虎銅携圖謁我幽軒中
爲言此畫非所重以出遠人聊見崇爲君乘興寫長句

倪文僖集卷五

六

日華正照東窗紅

雲山題松陰假寐圖歌

雲山萬疊深復深山根碧礫清人心幽人長夏忽來此
避暑坐愛蒼松陰坐來睡渴目雙瞑誰計斜陽在東嶺
如雷鼻息和泉聲風捲松濤吹不醒滿襟涼思寐正濃
吟魂縹緲隨天風不知清夢向何處但見據膝身如弓
華胥覽遍神應悅樂聽鈞天情更愜邯鄲只恐熟黃粱
漆園渾訝飛胡蝶南柯或爲太守公腹上忽見生長松
仰天大笑墮驢後遊仙或臥蓮花峯天官筆韻含飛動
此幅尤爲人所重披圖堪歎古今人往事悠悠皆一夢

送楊洗馬京闈較藝還朝

先生自是文中豪魁名燿燿清朝早登翰苑閱中秘
尋入宮坊居士僚京闈多士如雲集聖主親煩司黜陟
經幄初辭講讀班詞垣暫輟經綸筆乘傳南來半月程
深院下簾秋氣清掄材晴案寸心白批卷夜窗雙眼明
譽髦簡拔皆精確尺璧明珠光爛若伫充庭實獻彤墀
喜動龍顏承寵渥八谷公來升天巖巖固榮嚴固頌
山隸泰山春雲圖歌巖巖固榮嚴固頌
泰山雄跨齊魯東自古以來稱岱宗造化鍾神插天表
丈人日觀羅諸峯氤氳元氣互吞吐時見層雲生盪胃
觸石而起膚寸合頃刻瀾漫橫太空會不崇朝雨天下
坐令四海歌年豐惟我藩垣老方伯仰韓素與茲山同

倪文僖集卷五

七

百萬蒼生屬摩撫熙熙共陟春臺中天瓢在手慰民望
靈心默會神明通欲雲而雲雨而雨川嶽効靈無不從
仁恩洋溢洽東土噓枯起瘵甦疲癯遙望春雲蔽巖壑
官舍坐對心神融頓使移來在窗几筆端臆匠資良工
山藏雲氣自巖壑雲連山色常溟濛只今春雲滿瓊島
悠揚日護蓬萊宮久待公來作天瑞輪囷粲爛昭時雍
會當乘之起東海直至天門之九重文明有象眾咸睹
五色夾日隨飛龍龍毓林朝榮古心自世途齊商變期
巖巖固榮嚴固頌
東莞陳君敏任廣西平南訓導成化改元春大藤峽
大有賊焚劫縣治携君及妻王妾孫十數日去駐鹿兒

山王訴於賊言夫親老乞釋歸養取銀收贖賊從之
乃屬夫贖女以出縱贖吾出亦無顏見人也比賊起
營入峽堅執不行王與孫皆被害君收其遺骸葬之
鶴塘縉紳表曰賢烈茲君來教京衛武學子聞其事
傷其抱節而死足以勵婦德也爲作大藤賊謠以哀

之

天地有沴氣鍾此大藤賊峽深路復險憑恃爲窟宅稟
性若豺虎吞噬乃其德官軍不能制時出寇城邑成化
改元乙酉春賊入平南燒縣門入財驅劫如豕奔羣聚
鹿兒山下存嗟哉儒宮陳廣文傳經講習師道尊一家
妻女十數口同時被擄罹妖氛厚邀金帛贖性命殺人

倪文僖集卷五

八

爲戲輕雞豚陳君有妻王義不受賊辱詆賊釋夫養父
母語夫搏金將女贖一身自分不苟活夫女得歸甘願
日賊入峽紛起營迫王去堅不行賊怒殺之妻亦殞生
二婦並貞烈照映冰壺清千秋萬春揚令名安得上帝
遣六丁下剗疊嶂如砥平賊失所恃無欺凌夫婦相保
民永甯

悲哉雙鳳皇吟

東莞陳公世珍從戎於廉重義輕財樂於周卹人以

德公稱之成化改元秋城爲廣西流賊所破公與妻
胡氏皆被擄驅至大鹽埠孫貴搏金往贖遇他賊奪
而殺之賊議欲釋其一公夫婦哭讓不忍舍遂皆被

害其子平南訓導敏求得屍歸葬之廉城鶴塘茲敏
來教京衛武學聞其二親死於非命爲之傷痛不已
乃作悲哉雙鳳皇吟以哀之

悲哉雙鳳皇雙棲復雙翔雄鳴雌應之雖離向梧岡覽
德一出爲世祥翼覆百鳥無羸疋豈知羣梟夜突出肆
梅驅逐離故藏山深醜類多搏啄毛羽傷何異魯郊麟
傾蹄遭鉏商雙鳳皇良可悲雌雄相讓不忍離雌爲雄
死雄亦隨眼中見義不見害背圖苟免虧天殄雙鳳皇
悲罔極灑淚向天天亦泣鳳幸有孤雛文采備五色恨
不燦梟罔其奈弱無力含痛負鳳歸瘞之鶴塘側雛兮
儀舜韶遠向天池集帝憐鳳義卹雛孝會有天恩下褒

祝文舊集卷五

九

錫雙鳳皇悲罔極

東帝憐鳳義卹雛孝會有天恩下褒

元都看花詩意圖

含詩良鳳高寒之辭其詞雖公

播州司馬南遷客萬里歸來頭向黑元都觀裏看花遊
千樹新桃好顏色劉郎初來花滿庭劉郎再來花盡零
隆替都來十四載眼中故舊如晨星撫時感事詩成後
佳句流傳在人口人往得喪等浮雲義命於人宜自守
嗟予去國亦有年披圖懷古心茫然贏得閒身老林壑
一任晴春花競妍雙棲並舉賦獻文謂謂向世風實

夏太常半壑秋聲竹

夏

太常夏卿鳳池客曾向鼇峯揮翰墨興來愛寫青琅玕
頃刻毫端生秀色眼中此幅尤絕奇籒籒總抱冰霜姿

大竿凌雲勢直上小竿枝羽形斜欹大竿小竿如玉削
飄蕭葉葉金刀錯西風昨夜入中林恍覺秋聲滿巖壑
疑君鼓棹遊湘州兩岸修篁搖翠烟蒼梧望斷瀟風雨
筆底閒將幽思傳又疑推蓬向淇澳漪漪滿地瞻新葦
醉將筠管掃烟梢似惜佳人在空谷當年湖州妙入神
意趣所到皆通真兔起鶻落有遺法異世接武卿其人
念我平生性孤潔重此清風與高節展圖一見爽心神
涼襲衣襟灑蒼雪掛君高堂絕點埃紫簫好備伶倫裁
月明試弄參差瑄應引和鳴棲鳳來

詩 十六日與學士錢公亞卿章公會飲於崔都閫宅
讀詩賦此以謝

倪文僖集卷五

十

龍蟠虎踞金陵邑佳麗繁華稱自昔萬戶笙歌多宴集
況乃更遇燒燈夕崔侯好客慕三益繡幕高張展瑤席
邀我三人飲瓊液三人宦跡久離羣一朝會合交歡忻
我侯好武兼好文明時仗劍期策勳華燈照座凝火雲
麝蘭香靄揚清芬欲歌湛露過夜分只今四海無兵戈
聖主在上玉燭和年豐時泰黍稷多彈絲吹竹宛轉歌
迴風舞袖紛婆娑東君手持金巨羅如此不樂將如何
筆 訪盧大參莊所次錢學士短歌
東郊遊賞情難盡獨有盧莊占佳勝不辭路遠訪幽居
門枕膏腴麥苗盛我公自是天池麟讀禮暫爲林下人
繞廬綠樹作儔侶入戶青山成友賓烹鮮命酒忘歸去

村徑還諸舊來處好鳥留人不住啼垂楊馬首蒼烟低
乙未五月十二日乃是太常先生之誕辰肯堂獻壽寫
綠玉薰風滿座清無塵高堂四壁懸長幅我獨愛此看
不足眉壽應期衛武同滿勸霞觴詠淇澳先生美質玉
粹溫步玉早登金馬門只今容臺挺高節葉葉雨露涵
天恩一片歲寒心千古簫韶意老去終爲清廟器虞廷
九奏鳳來儀好協至和鳴盛世飄飄正帶凌雲氣

吳家堂前春日杲光照幽蘭與萱草蘭萱開作黃金花

母心忘憂顏不老阿母看花開壽眉香風滿座春晝遲

倪文僖集卷五

十一

金鰲突兀出滄海扶疎掛晉珊瑚枝花前稱觴獻阿母
膝下佳兒綵衣舞佳兒已作水部郎喜看祿養榮三釜
佳兒與佳婦日日娛堂前萱花倚慈竹色與蘭爭妍一
片心如寸草微仰視白日當空懸阿母年年在好花歲
歲開慈顏比花花不如秋霜不到堂中來會聞鄒衍谷
吹律和氣復何似君家壽域中萬彙融融光奪目爲母
一奏長春曲

空山無人秋夜涼銀河熒熒流月光蒼龍百尺落松影

松梢露滴沾衣裳幽人中夜耿不寐起抱絲桐幽思長
坐據苔石不知冷橫膝對月調宮商山高水深趣未已

誰其知者同徜徉七絃不盡太古意下聽獨有仙娥婦
調高餘響振山谷啼鳥驚起爭飛翔夜深欲鼓廣陵散
斜月半落山蒼蒼呼童抱琴且歸去淨掃白雲眠石牀
題山水圖爲董英賦

烟嵐溟濛山萬疊根蟠古檜虬枝結滾滾流泉何處來
激石穿屋浪飛雪竹林古洞深復深石牀露冷莓苔侵
洞口幽人橫素琴彈出步虛雲外音兩髯並坐如黃綉
山風吹衣淨如水閒讀黃庭一兩篇滿地白雲飛不起
山深地僻人跡稀誰許仙家依翠微何當來訪赤松子
濯我塵纓臨石磯

與共題

山深地僻人跡稀誰許仙家依翠微何當來訪赤松子

濯我塵纓臨石磯

洞口幽人橫素琴彈出步虛雲外音兩髯並坐如黃綉

山風吹衣淨如水閒讀黃庭一兩篇滿地白雲飛不起

山深地僻人跡稀誰許仙家依翠微何當來訪赤松子

濯我塵纓臨石磯

洞口幽人橫素琴彈出步虛雲外音兩髯並坐如黃綉

山風吹衣淨如水閒讀黃庭一兩篇滿地白雲飛不起

山深地僻人跡稀誰許仙家依翠微何當來訪赤松子

濯我塵纓臨石磯

倪文僖公集卷之五終

倪文僖公集卷之六

與謝道韞書
律詩五言
賀慶賀來蒼百平
與謝道韞書
明來倪謙撰

顧維周以詩見寄因次其韻兼柬楊景通

憶別過梅暑今看近
麥秋祗將詩遣興
還藉酒澆愁氣
吐雙龍劍文成五鳳樓
可同楊伯起相對說子不

送張都運還治

鳴珮曉朝天修程著去鞭
馬蹄經海上鴈影落淮墀日
照手岩雪風飄萬竈烟
梅羹待調鼎早晚謁甘泉

徵聘圖

避世非吾願恬居乃士操
從知邱壑陋孰與廟堂高天

倪文僖集卷六

上來纒幣林間集鴈羔祗應謝田里接武向夔臯

李文璧輓詩

號九川子年四十八卒

已矣九川子臨風增惋傷
俄成蕉下鹿竟作井中桑
宿草秋迷塚陳編夕在床
四枝丹桂好雲路看聯芳

題竹送吳僉憲赴湖湘

方岳選才良重煩出建章
湛恩承曉露直節凜秋霜
衣繡過江表乘驄到漢陽
臨歧無以贈交意託瀟湘

送王克敬南還

乃雪坡公子母舅也

贈兼東

舅氏頭全白賢甥鬢亦蒼
百年消幾別兩地詎能忘
歸興臨江渚離情在渭陽
贈言忻滿卷珠玉照行裝

文題廬山景

奇絕匡廬境芙蓉翠萬重雲迷白鶴觀日照紫烟峯虹
影懸晴瀑鳧音送曉鐘何當謝羈束林下散閑蹤

中興王司鐸輓章

子拱宸任御史號養拙病耳葬蛟峯

雷不爲山中

音容悵已邈振鐸仰餘風獨抱濂溪拙誰醫長史龔文
鵷翔鳳闕白壁瘞蛟峯潛德書新刻虹光照墓松

中興次韻惟聰江湖逸興詩

德盛遺韻寄答

壯歲長爲客飄飄類轉蓬山河千古在登眺幾人同雲
樹連淮綠烟花入沛紅倚筇彈古劍目極大江東

寄李仲瀾知縣

吳興黃

上海有賢令九江文獻家長材刀中窾清譽玉無瑕吏
靜常封印民安早放衙謳歌聞百里傳誦到京華

倪文僖集卷六

二

結常賀劉中允父壽六十號松溪

里居臨江京華

我愛松溪叟賢聲聞海東耳從今歲順顏勝去年紅好
客酒多貽陶情詩自工遙知榮祿養壽與大椿同

樹蕙送滑志庸楚府良醫

蘇州古幹目醫大王東

行人去武昌藥籠共詩囊醫國馳清譽傳家有異方雨
中淮水白雲外楚山蒼到日懸壺處應添杏幾行

希顏子林琚廷振挽詩

書

不折非爲天君名久益新學徒希四勿年僅越三旬南
斗銷豐劍西郊踏魯麟斯文天已喪甯不爲沾巾

志希顏氏子天不暇之年徒抱爲邦器曾無買柳錢卿
雲嗟易散白璧恨難全慶遺賢孫子儒風百代傳

送憲掾趙綱歸南昌

蘇軾

江南方溽暑何事獨言歸
赤日齊紈扇清風越芑衣
櫓聲鳴鷺渚帆影掠漁磯
萬里青冥闊行看一鶚飛

輓壽官趙公韞

九十應詔冠帶有榮
壽堂翠雲軒號聽鶴

榮壽人何在芝蘭播德馨
軒雲迷冷翠瓏樹聳新青
漢詔優加級姬文特與齡
九臯遺怨鶴清淚有誰聽

次韻羅都憲歸老詩四首

解却都堂印紅塵百慮休
鄉心中夜枕宦況五湖舟
已遂林泉樂甯忘社稷憂
菊松三徑裏相過有羊求
故園風景好歸去樂無疑
濯足臨清泚充腸茹紫芝
金章違世寵黃髮繫宸思
會逐蒲輪起調元晚更宜

倪文僖集卷六

三

脫簪辭上國歸旆掠匡廬
恩已俞封疏名猶載璽書
西山朝氣爽南浦暮雲疎
咲指門前路幽清水竹居
年未周花甲翩然拂袖塵
高風追往哲全節見斯人
柳映陶庄晚棠遺邵陌春
嗟予亦散吏惜別向江津

秋林寄傲

蘇軾

林下日夷猶蕭蕭黃葉秋
乾坤雙白眼杖屨一蒼頭
笑看烏鳶嚇閑陪鹿豕遊
閑門展書臥高枕亦何求

耕心軒

蘇軾

有地纔方寸多君用意耕
町畦無限隔瓏畝自寬平
但覺荒蕪墾甯容稂莠生
百年惟種德孫子樂西成

愛溪詩爲江右劉仲穆賦

環溪風景好遺愛在兒孫載酒船猶繫垂綸石自存常
教高柳護忍使別流渾無限羹牆感難忘罔極恩

胡大甯挽章

病目

蘇軾王德用傳衣共美寒齋

涵素嗟何在逃名自得名據梧常瞑目策杖每怡情詩
筆遺殘稿儒林冷舊盟無慚郭有道曾誌鳳西笙

和同年話舊韻

蘇軾蘇軾詩書賦麻衣樂章軾采

浮生嗟命蹇宦海足風波去國憂方切還鄉幸已多新
恩來紫禁故道復黃河君德知難報華顛敢謂皤

禹門桃浪暖奮鬣早隨波浪水年華速浮雲世變多播
遷依塞月湔滌挽天河但惜成衰老清霜入鬢皤

清風來綺席尊酒綠生波訪舊情偏感論心話較多浩

倪文僖集卷六

四

懷魚縱壑佳會鵲填河信是同年友蕭蕭髮共皤
諸公抱奇節砥柱障頽波致主勳庸盛匡時事業多麒
麟在靈囿龍馬出滎河我獨真鴛劣妨賢媿鬢皤

盛竹莊處士輓章

蘇軾蘇軾詩書賦麻衣樂章軾采

早歲辭淞渚移家住帝鄉六龍方在御羣鳳喜鳴陽
翱翔霄漢冥冥避稻梁閑招扳桂客細和考槃章神采
無瑕玉詞鋒百鍊鋼著書常滿案種竹已成莊山水供
藜杖煙霏護草堂奇才追屈宋高臥傲羲皇驚坐名何
重趨庭教有方鳳毛看擢第玉樹復聯芳共羨家聲振
由來慶澤長從知心匪石其奈髮如霜夢熟邯鄲枕寒
生薜荔墻秋風來弔鶴夜雨泣棲鳳碩德俄凋喪深悵

益慨傷高山空仰止清泪欲沾裳
書卷閒披詩筆閒
送許太守赴南安
翰苑才名重容臺秩望清幾年頻薦鶚五馬忽專城紫
禁分符去華軒露冕行文星南斗避卿月上江明想尚
雍雍治甯求赫赫聲文翁敦教化黃霸務寬平撫字心
無倦綬和政有成嶺頭梅早發回首寄瑤京

胡宗肅世德堂

肇跡由媯汭傳家自越州萬支原共本一派轉分流
瑗族今承宋陳封遠紹周鄧林多杞梓卜賈賸琳瑯蘭茁
堦庭秀麟從藪澤遊宦門足詩禮儒業守弓裘省解名
方顯師資望更優阿翁榮薦秀夫子樂林邱方伯難兄
貴科名令器收青雲聯濟美懿德允垂休循理全坤得
爲仁豈外求學皆敦古訓行總肖前修厚澤何能斬芳
聲孰與侔綿綿若瓜瓞翼翼著謀猷喬木光閭里恩波
下冕旒子孫欽厥世復始見公侯共本一飛鸞

律詩六言

送蔡明遠南還二首

三秋故國久別一臂京華乍交天上丹葵向日林間野
鶴辭巢酒汎菊英晚酌暮落燈花夜敲歸去滄江歲晚
北風爲送船梢

嚴裝歸興非淺對酒離情不堪寒颼正吹客袂暮柳難
挽征驂薊門煙樹新賞禹穴神奇舊探明發相望何處

落花芳草江南夢

律詩七言

寄金陵諸舊游

書劔天涯借解攜偶從霄漢躡雲梯文章幸漬宸眸覽
名姓親勞御手題天近玉堂人語靜曉趨金闕珮聲齊
舊游多在長江外幾上高臺望眼迷

午日內宴賜扇并綵縷

五日垂紳侍曉朝明時恩賚喜親遭彤庭新賜藍箋扇
蘭館初分綵線條綺席瑛盤堆角黍玉壺金盞出葡萄
醉歸馬上仙風軟猶覺天香襲錦袍

題畫

倪文僖集卷六

六

平生幽僻愛林泉客裏看圖思渺然松澗水流花自落
草堂人去鶴空還湘潭暮靄連蒼黛廬阜晴暉散紫烟
野渡扁舟能借我擬從江上訪坡仙

和少保楊澹菴游九龍池詩韻

淨漱雲根雪滿山時雨每添新漲闊晴嵐常映碧波閒
仰懷先帝登臨日悵望垂髯不可攀

竹軒爲宋以臨賦

琅玕特立繞茅簷清逼幽懷稱養恬風細珮聲來靜几
月高鸞影落疎簾碧窗烟細茶翻乳曲徑苔深荀迸尖
何日抱琴容直造倚闌吟嘯一掀髯

送李檢討詔還安成

詞臣榮着錦袍歸，便覺文星闕下稀。
驥足方將開道路，鵲聲先已報庭闈。
關河杳杳多秋色，桑梓依依映夕暉。
曉殿論思專有待，早來同候掖垣扉。

送袁尚寶忠徹致仕還鄆

善相

明時深沐寵恩偏，老賦宜休世共賢。
青眼閱人聊戲耳，黑頭爲宦已皤然。
公卿出餞東門祖，童僕歸耕負郭田。
方丈蓬壺應咫尺，醉遊莫惜杖頭錢。

送章進士綸畢姻還永嘉

笑帶爐薰出曉朝，故園歸去賦桃夭。
瑤池阿母初通信，銀漢天孫已度橋。
龍虎榜中春擢桂，鳳凰池上夜吹簫。

倪文僖集卷六

七

香閨可似張京兆，眉黛殷勤手自描。
鳳凰池上齊劉蕙，龍眠書舍

四簷古木數椽居，一點寒燈半夜書。
載酒豈無人問字，到門時有客巾車。

碧山雨歇朝吟後，石榻雲開午夢餘。
聞說昔賢勤學處，或從長白又匡廬。

山水畫

披圖塵眼一時醒，巖磴渾疑舊日經。
深樹雨餘雲滿壑，危橋波漲草連汀。
山屏晚稱支頤對，瀑布晴宜洗耳聽。
林下豈無高士隱，欲攜藜杖叩柴扃。

哭同年施修撰宗銘

多士同傳玉陛臚，可憐先聽獨先殂。
空留姓字題宸翰

無復絲綸翼聖謨
渺渺白雲鄉國遠冥冥長夜旅魂孤
老天速奪知何意
泪洒西風只痛呼
送陳侍講中還南院

會向鼇頭壓俊英
詞林載筆久馳聲
紬書舊沐蓮金寵
校藝今推藻鑑明
寶殿香隨雙珮遠
玉壺冰映一官清
辭朝不用傷華髮
袞職彌縫重老成

傷月樓

午夜清輝萬里同
開樽邀玩綺樓東
金波散彩明虛牖
綠蟻浮香注碧筒
汗漫神遊銀漢表
風流人在玉堂中
寒芒吸盡襟懷爽
吟就翩翩氣吐虹

送胡進士拱辰宰黟邑

倪文僖集卷上

八

鳧鳥翩翩下九重
青年膺詔宰花封
滿城桑柘春風煖
百里絃歌化雨濃
枳棘暫看鸞翮翮
梧桐終聽鳳雛雛
宦遊況是頭俱黑
好掬清泉淬劍鋒

送陳侍郎璉致仕還東廣

丹辰彌縫重老成
那將白髮謝時名
夷夔禮樂兼能典
韓柳文章最善鳴
冠珮曉辭雙鳳闕
柴桑晴望五羊城
黃金寵賜知多少
賸與鄉人樂治平

寄盧廷佐

謝詩時惠帶

石頭城下十分襟
路入金臺別恨深
鄉夢空憐終夜到
壽觴還憶去年斟
已從元服加三祝
好向明窗惜寸陰
自是臨歧情最密
故將束帶表同心

宿松栢雲正對霞天蒼谷觀元冥帝一贊此由內出
悠悠出岫澹忘機歛迹相依與世違輕絮乍開風滿榻
素濤低捲月當幃肯教碧落從龍化惟許深巢護鶴歸
最是蘧蘧迷曉夢祇疑莊蝶繞身飛

壽少保楊澹菴

正朝

正朝

正朝

正朝

正朝

南極呈祥瑞氣飄鶯花二月慶長朝曉瞻台座星偏燦
春入沙堤雪已消彭祖壽齡方七袞阿衡事業重三朝
化成喜際明離盛金鼎鹽梅正倚調品賦可幸文洪交
五畹萬竿烟雨圖
萬竿烟雨圖
萬竿烟雨圖
萬竿烟雨圖
萬竿烟雨圖
誰研清露染霜毫掃出瀟湘萬玉梢滿地蒼苔穿稚筍
一溪流水浸香苞風雷夜撼龍蛇窟烟雨寒傾翡翠巢

倪文僖集卷六

九

疑是南郊駐嚴蹕霓旌羽蓋五雲交
玉署朝搏白鳳羣瓊山重疊望中分補天想煉媧皇石
行雨疑籠楚岫雲雕琢豈勞經妙手品題何幸及斯文
太平有象遺蝗滅應有謳歌處處聞
幾疊冰崖擁禁墀玉堂吟對喜相宜銀屏恍自雲中徹
瑤島應從海上移爽氣晴連鳩鵲觀凍痕融注鳳皇池
鼎調深仗阿衡力甯惜蹉跎暫效奇

和少保楊澹菴內閣雪山詩韻
絕憐嘉瑞喜親杯頃刻參差勢自繆天姥淡橫銀抹額

麻姑全露玉搔頭
六花令屬元冥布一簣功由內相收

終潤土膏流素液南郊綵仗已鞭牛甲言變
賀馮郎中宗昂陞秩是於城下九年嘉績著工曹超擢還應服舊勞天上正承恩看委佩
風前節役聽鳴磬冬官經術明周禮水部詩名逼楚騷
清操只今知愈厲海鵬終見拂雲高
送姜太守瘖赴廣南臺臺臺臺
喜分符虎荷優除作守勞君萬里餘花發玉京朝越駕
雲開銅柱晚停車蠻津水煖漁投罟狹道風暄客越虛
好布天恩化殊俗九夷雖陋亦堪居

送蕭編修鉉歸省

曉辭丹陛散鳴珂詔許南歸喜氣多柳外行裝青雀舫

倪文僖集卷六

十

花邊供帳紫金荷月明華表應聞鶴雨過春山正擁螺
展罷孝思還戀闕綸闈載筆候編摩

巫山圖

卷谷式夷纏頭本哉鼠補天想彼

壁立巫山莫蜀中綵毫幻出萬芙蓉嵐光映日三千仞
黛色參天十二峯峭拔連屏秋競爽參差羣髻晚偏濃
不知神女今何在空說陽臺夢裏逢

雪坡爲顧維周賦

鎮遠侯子

六出紛紛費剪裁侯門深積淨無埃六簾梅月朝猶在
滿地梨雲晚未開坐想琪花敲玉笋行看珠履散瑤臺
雅懷對此多清賞司馬應專作賦才

禱雨

禱雨恆嶽五月一日發真定途中有懷

甲子歲

倪文僖公集卷之七
律詩七言
六花萬點撲琅玕
清逼幽軒稱倚闌
雲母屏風金佩冷
水晶簾幕翠翹寒
初驚袞袞凌高節
渾訝翛翛舞素鸞
吟興頗同袁令尹
徑來不問主人看

大風竹雪軒為陸元泰賦
末首覺身近皇家
風樓
六花萬點撲琅玕
清逼幽軒稱倚闌
雲母屏風金佩冷
水晶簾幕翠翹寒
初驚袞袞凌高節
渾訝翛翛舞素鸞
吟興頗同袁令尹
徑來不問主人看

在原常誦鶴鴿篇
視弟親勞到日邊
叙話連床忻對雨
思歸秋旆遠衝煙
家隣宏景燒丹竈
地接茅君種玉田
莫厭西風霜入鬢
刀圭好乞駐流年

倪文僖集卷七

真淵送賀司訓懋赴應天
本學人也
游平

儒職清高荷美除
南還榮養有誰如
官居魯泮諸生表
家近秦淮半里餘
前絳雨霑新背笈
北堂花擁舊肩輿
懸知講罷歸來晚
綵服烏紗樹倚間

名典分題得泗亭懷古送友別八首

熾棹閒登泗上亭
殘碑猶載舊時銘
鹿亡自合歸隆準
蛇斷何爲泣素靈
芒碭山頭雲漠漠
沛豐城下水泠泠
大風急起歌臺莫
舟子開帆未肯停

醉酒墨軒

幾載臨池事偃波
元霜一握手輕磨
揮毫遠法宣王鼓
掃素曾籠逸少鵝
飛絮落花春欲老
問奇載酒客頻過

只愁殺盡中山兔芳草纍纍筆塚多
拜官南去沐恩休清貴明時第一流
遠道風高秋氣肅

長江霜落水痕收職司御璽雙龍紐
身近皇家五鳳樓
從此兩京佳麗地扁舟來往屬遨遊

送殷主事謙書最南還

海上星槎夜入河天門獻績沐恩波
鳳麟終合歸靈囿
龍虎猶歆擅甲科寶殿雲開辭負展
石城雪霽想鳴珂
臨歧爲有同年舊笑看豪曹意氣多

次韻答內弟姚秉常

儒冠何物是生涯插架牙籤理復斜
月桂好分天上種

倪文僖集卷七

二

霜毫應發夢中花文章著述逾千首
經史冥搜近百家
愧我無能居散地遲君高會際亨嘉

行人成君始終寄江夏胡先生詩二首用韻寄答

乘舟仙客漢川回枉示封題手自開
鳳髓龍團勞遠寄
建溪顧渚不須猜剡泉旋煮軒轅鼎
酌酒且停鸚鵡杯
甦息蒼生知有志鳴珂早晚日邊來

人生萍梗受風吹踪跡分飄底用悲
碧海鱗鴻傳錦字
清秋鸞鶴見冰姿爲師喜有胡安定
知已豈無鍾子期
鈴閣玉堂清切地抽毫來與共論思

徐進士父挽詩

思親有堂橘有軒苔封石徑無塵諠
持竿隨處坐臨水

抱甕或時行灌園服鳥三冬止蘿屋鳳鷄五色翔薇垣
遠道奔哀泪如雨莫向月明重聽猿
一川寒玉水泐泐晚節高風對此君藜杖醉吟三徑月
角中間步九臯雲碧窗燈影穿林見石榻琴聲隔岸聞
治郡功成身早退賢名千古重斯文東閣聯華勳
素濤一榻洗煩襟兀坐相忘契誼深入戶往來如有約
隨時舒卷共無心端期捧日丹霄上還擬從龍碧海濶
欲訪巖棲不知處曉猿夜鶴伴秋陰

壽醉耕老人

七月四日

倪文僖集卷七

三

老向青山友鹿羣養高林壑不求聞一壺常醉床頭酒
數畝閒耕隴上雲碧漢壽星晴晃曜玉爐香篆暖氤氳
郎君綵服承權好爲問秋光到幾分
素馨蘭學士輓詩

碧山泉石賦歸休俄共耆英地下游老去葵心猶向日

病餘絲鬢豈禁秋南宮闕卷思甄拔東閣揮毫憶校讐
媿是門生情倍感無從雙涕柰橫流

陳恭侍郎父靜誠先生輓詩

九霄雲盡六龍飛啟沃深勞補萬機鳳鴛屢過諸葛徑

魚竿獨慕子陵磯朝端勛舊俱丹轂馬上山人尙白衣
完璧莫傷歸夢早聖皇諭祭古今稀

儒門奕葉舊簪纓高步風雲際聖明剪刈羣雄資翊贊
奠安四海屬經營生前節義辭高爵歿後哀榮冠列卿
媿我鄉人生最晚清風時仰靜誠名與世遠肯留榮

國子吳檢討先塋四景之二

楓橋月落

吳江楓落水通橋斜月將沈斗轉杓兩岸秋聲隨籟發
半篷寒影帶波搖漁舟乍起吹殘火估舶爭開趁早朝
幾度吟詩憶張繼鐘鳴山寺夜迢迢

寒寺鯨音

招提遙隔闔閭城夜半蒲牢吼地鳴度嶺微分山寺曉
穿林偏帶野泉清高低負徹三千界次第頻連百八聲

倪文僖集卷七

四

獨有思親情倍感烏啼月落夢魂驚
松月軒

偃蹇長松拂四簷瑤空移上海東蟾金波湛湛光浮榻
蒼雪霏霏影入簾老鶴驚寒時振羽怒虬終夜自垂髯
幽人對此渾忘寐一任更深漏轉籤

和王廷器檢討夕譙李揮使東軒詩三十首并叙

承示傑作捧誦之際若婁人子入市睹寶貨駢集不
覺目眩心掉然業已許和故不揣駑劣廢一夕之寢

強成其數錄奉廷器翰長宗大揮使非敢言詩第欲

踐言云耳

賓主論文對酒卮燈前傳令影交馳香雲拂坐元無定

華月窺簷似有私李廣雄韜子所慕玉維佳句世同推
明時幸接丹霄羽致主黃虞敢共期
坐對雲屏不啟關恍疑蓬島在人間錦衣華胄多君武
玉署清資美客閒取醉漫勞新酒勸諧歡頻用巧辭訕
祇應義重能延款不放花驄步月還
繁絲豪竹弄新聲絳蠟光分綺席明投轄已拚厭此夕
飛觥何惜到殘更酒酣風月胸中滿詩就雲烟紙上生
憶昔洪都高客賦獨誇王勃最先成
詞源浩瀚瀉三江百斛龍文筆可扛藝苑雄才君獨步
吟壇勍敵我須降銀絲細斫吳中鱸玉管新翻塞外腔
昭代行看樹勛業隱居誰美鹿門龐

倪文僖集卷七

五

遠寺昏鐘已罷撞錦袍黑髮映明釭清歌聲度黃金縷
法酒香浮白玉缸笑語送闌人隔座豪呼博塞月盈聽
良宵懼會惟三益此樂人間信少雙
爲問潛陽幾日歸談元渾訝世天機醉狂始覺醒來好
今是方知昨已非莫向蒼龜占否泰且從裘馬共輕肥
深情能保如膠漆青史陳雷繼有輝
開軒待月費吟思詩律曾推一字師晏樂儘拚今夕醉
功勛須及少年時名駒未試誰能識良賈深藏世寡知
但使酒腸寬似海何妨連進紫金卮
奎壁方中北斗高謫仙醉着錦宮袍庭松月浸蒼龍骨
檻竹風梳紫鳳毛杯送頰霞歌宛轉爐圍紅玉坐周遭

賞音可羨徐東海一曲冰絃動譽臺

寶鼎龍涎散碧雲劍橫秋水自隨身月華墮地明如晝
火氣當筵煖似春飲酒每歌魚在藻感時又遇鴈來賓
醉中和得迎仙曲鳳瑄吹將向玉宸

座上金蓮徹夜開故人相遇且銜杯一庭霜月醒殘醉
萬里風雲入壯懷分閭位看持節鉞調羹須是用鹽梅
結隣若許通幽徑不惜移樽日笑陪

千金結客重交游詩酒相忘不解愁汗簡細評科斗篆
仙關疑接鳳麟洲馮驩客裏須彈鋏王粲吟邊獨倚樓
誰似此軒幽絕處高歌取醉倒瓊甌

貂裘坐擁不知寒月轉瓊筵捲幔看羌笛且教停折柳

倪文僖集卷七

六

瑤琴漫聽鼓猗蘭圖形擬上麒麟閣執法休論獬豸冠
豪客新詩三十首錦箋書就墨華乾

將軍能武復能文書重羊欣白練裙韜畧已看推巨擘
旗常行見紀元勛肯將節操炎涼改賸有聲華遠近聞
況是東軒多勝賞新題時與故交分

石屏積翠喜凌霜遺戒誰曾効贊皇九曲峯巒爭起伏
四時松竹共青蒼開軒久玩情偏爽把酒閒吟夜正長
醉後不禁喉吻渴霜柑細嚼紫香囊

子喬飛鳥下西清來聽古桐絃上聲玉椀香雲傳茗汁
金盤丹魄薦芝英鳳麟啖吐烏銀屑牛斗光騰寶劍精
却羨主人能飲客酒行只用兕爲觥

碧天孤月起東林人在重門畫閣深吟賞每招諸友共
清幽不受一塵侵瓊卮爛醉壚頭酒彩筆親題漢上襟
坐久但聞香貫腦涼煙如穗裊檀沈
金猊添火爇香塵酒入歡腸不醉人奇石喜看三仞玉
早梅誰寄一枝春紫檀鐵撥繁聲急彤管雲箋麗句新
散步虛庭霜月冷清風嫋嫋動垂紳

封侯萬里建旌旄今見班超骨相高小帳金杯淹翠袖
長檠絳蠟照緋袍今宵痛飲甯辭醉他日攄忠肯憚勞
會使燕然重勒石功名端的冠時髦

琅玕玉立俯清渠歲晚珊珊繞燕居客到閒從林下飲
詩成多向節間書九天風月瞻光霽一氣陰陽驗慘舒

倪文僖集卷七

七

賓主交懽何所似依依綠水汎紅蕖

滿注葡萄甕裏春開軒劇飲見天真
菲才自媿登金馬壯節君看剖玉麟
燈下呼盧人影亂庭前貫葦月華新
吟壇強和驚人句夢入池塘覺有神

姓名早晚出金甌秉燭何妨入夜遊
舞曲有腔頻換譜酒盃無算不論籌
閒中運甓思陶侃醉裏彈棋笑奕秋
逸豫每能存惕厲行藏隨處沐天休

賓主相看共眼青喜聯冠佩侍彤廷
多材俱美成奇器馳譽爭誇正妙齡
鳳竦深浮千日醞鸞刀細簇五侯鯖
及時權賞眞明達莫待霜華短鬢星

碧落驚寒鴈影疎東牕月上捲簾初
已成霧雨南山豹

須化風雷北海魚午夜偏能娛盞俾三冬知不廢琴書
明朝我試來相訪一榻清風醉夢餘
胸襟瀟灑更疏通燕喜應知有古風一曲清歌番子夜
百壺春酒醉新豐更收殘漏霜初下雲度輕綃月淡籠
千載南樓傳故事庾公高興與今同
斗室幽清自不羣日華常映海東雲麝煤入鼎香浮篆
蛇腹橫琴散斷紋每喜三冬頻會友誰云一飯敢忘君
却憐月夜霜華冷凍損琅玕瘦幾分

碧海烏沈莫景昏東君娛客管絃誼年豐已卜經三白
陽長方當會一元鶴髮喜瞻南極粲丹心常仰北辰尊
貂裘綉褥圍爐坐誰道連床席未溫

倪文僖集卷七

八

佩玉鳴騶總俊賢詠諧探蹟更鈎元酒開臘蟻清歌送
棊簇冰絲玉指傳榘拙煨霞滿座闌干醉倚月當天
蘿關一徑殊幽僻絕勝王維舊韞川

良宵踏月遠相尋翠壁疎篁助細吟度曲不須敲象板
賞音惟許操瑤琴佳人慣索纏頭錦公子閒拋買笑金
宋玉高堂曾有賦麗辭傳誦到如今

酒酣耳熱臉生紅劇辯高談四座空繁弱笑彎何慷慨
豪曹獨拊自英雄清音嫋嫋頻吹竹爽氣飄飄欲御風
醉倒祗應同枕藉日華還待出籬東

夜永銅龍滴水遲玉壺春酒送青絲鸞笙細咽渾忘醉
鱸膾分嘗慰所思虎衛將軍偏愛士詞林仙客每留詩

何當一拜高堂上壽母親稱百歲卮

送古廉李祭酒南歸

立朝四十有五載名節赫然聞九州請老許從今日去
効官真與古人侔喜看羣弟上封疏卽詔有司供驛舟
聖主虛心思舊德乞言還見起林邱

覽秀舫分題得番陽湖

番湖風靜水無波此日曾乘畫舫過萬頃天光澄素練
一拳山石湧青螺朗吟赤壁蘇仙賦閑和滄浪孺子歌
佳勝經行宜縱覽應知清興倚篷多

萬里送張驛丞

明時作宰向雷塘薄宦那知謫遠方身事不須驚寵辱

倪文僖集卷七

九

人情何必歎炎涼一雙白璧元無玷百尺青松老更蒼
萬里澠池終奮翼重登朝著詎能量

扈從謁陵十詠

正統戊辰春二月也

一 峯山駕出都城

二十六日壬午

鑾輿曉發帶春曦韎韐桓桓起六師御路塵清森虎輶
神臯風暖掣龍旗寢園祇薦存周典原廟修祠陋漢儀
濟濟六卿扈仙蹕不才何幸亦追隨

沙河駐驛

曉駐旌旗遍野紅貔貅百里衛行宮山連北極三千仞
身在中堅十二重散騎徐牽金絡馬將軍齊帶寶珣弓
八環已進天厨膳甲帳彈碁啜紫茸

御營啟行

御營五夜發沙頭滿路金蓮散不收天外長風驅鉄騎
海東初日耀戈矛花香遠逐龍涎噴草色低承鳳輦遊
聖德神功彌宇宙萬年玉刻護松楸

寢園祗謁

二十七
日癸未

翠樹重重寶殿開五雲常日繞蓬萊纔趁玉殿函香進
忽報黃麾導駕來下輦還須中使引合班不待禮官催
鼎湖悵望飛龍遠空抱遺弓淚滿腮

恭陪大祀

二十八
日甲申

人間節序屬清明天上時思軫聖情法從班連庭陛肅
柔盛香拂几筵清禮嚴陟降終三獻孝格幽明在一誠

倪文僖集卷七

十

此日微臣陪祀享只歌潛頌答昇平

侍閱軍容

聖皇閱武禁門西翠葆葳蕤簇仗齊雲擁旗旛輝日月
雷轟笳鼓振山谿材官結隊皆隳虎寶馬成羣盡馱駝
勛業由來輸衛霍却慚簪筆侍金闈

銀山從獵

二十九
日乙酉

日上千峯紫霧消銀山蒐獵按金鑣露香芳樹攢紅錦
風淡長楊躡翠條迥野鳴鞘圍萬里層空飛箭落雙鵬
從官誰道相如吃賦就凌雲氣獨飄

龍池銀宴

三月一
日丙戌

水殿筵開對碧峯大官頒賜拆黃封方壺縹緲環三島

